


Chronica oder

zeyt Register/ aller fürnemst-
sten Historien vnnnd Geschicht / von
anfang der Welt/bis auff den April
len/ des 1611. Jars.

Bibl. ac. Ingol.



E Getruckt zu Augspurg /
durch Valentin Schönlgl /
auff vnser Frawen Thor.





A Anfang schuff Gott Himmel Erdt/ Sampyt allen Creaturen werdt/	1
Abel vffert dem lieben Gott/ Wardt von Cain geschlagen zu todt/	66
Adam thet sterben als er war	930
Alt/neühundert vnd dreyssig Jar/ Enoch Gott auß der Welt hinnamb	986
Wnd Nocha sein Geburtstag kam/	1056
Die Sündflut alls versencket gar/ Ohn was in Nocha kasten war.	1656
Die erste Monarchy anfieng/ Bey Nyno der Assyrer König/	1947
Abraham auch gestorben wardt/	1948
Wnd Sarai sein Hauffraw zart/	1958
Nocha starb hin auß der Welt lufft/	2006
Abraham auß Haram wardt brufft/	2023
Ismael namb auch sein Geburt/	2034
Die beschneidung befohlen wurde/	2047
Sodom vnd Gomorra verbrenndt/	2048
Wnd Isaacs Geburt man nendt/ Sara die frumb Erzmütter starb/	2085
Isaac die Rebecca erwarb/	2088
Jacob vnd Esaw seind geboren/	2108
Abraham starb ist vnuerloren/	2123
Jacob in Haram fliehen thet/	2185
Wnd bald hernach sein hochzeit hett/	2193
	Jacob

- 2202 Jacob wardt Israel genendt/
 2214 Dina sein Tochter wardt geschendt.
 2215 Rachel die starb an Ben Jamin/
 2216 Joseph Brüder verkaufften in/
 2228 Isaac auch sein ende nam/
 2229 Joseph auß der Gefängnuß kam/
 2238 Jacob mit allen Kindern sein/
 Bog diß Jar in Egypten nein/
 2255 Darinn nam er sein ende nun/
 2300 Auch Joseph sein geliebter Sun/
 2471 Aaron geborn der Hohepriester/
 2373 Desgleichen Moses beyd geschwister/
 2415 Moses schlug ein Egypter todt/
 2452 Corinthen iren anfang hat/
 Der Außzug auß Egypten geschach/
 Die heyligen zehen Gebott darnach/
 Geben seind Mose dem lieben/
 2462 Sein fünff Bücher seind auch beschrif
 2463 Moses vnd Aaron jr end namen/ (ben
 Ehe sie inns Gelobte Landt kamen/
 Josua Oberster Hauptman wirdt/
 2870 Samson der starck die zeyt regiert/
 2872 Troja die Statt eylffthalben Jar/
 Belagert vnd zerstöret war/
 2880 Dauidt der König wardt geboren/
 2889 Saul erster König gsalbt ist woren/
 Hernach

Hernach aber starb Samuel/	2890
Dauidt zum König Israel/	
Nach dem regieret Salomon/	2930
Der bawt den Tempel Gottes schon/	
Eliam nam Gott auff zur frewdt/	3000
Esaías geborn die zeyt/	3166
Nhom die herzlich gewaltig Statt/	3226
Von Romulo den anfang hat/	
Jerusalem zerstöret wirdt/	3394
Vnd alles Volck gehn Babel geführt.	
Die ander Monarchy der Welt/	3464
Dem König Cyro nun heimfelt/	
Der ließ die Jaden klein vnd groß/	
Auß der Gefängnuß wider loß/	
Der Tempel Salomonis/ glaubt/	3510
Zu bawen wider wardt erlaubt/	
Francken ein Königreich war vor/	3521
Ir erster König hieß Antenor/	
Herostratus auß bösem Exempel/	3663
Verbrennet der Epheser Tempel.	
Die dritte Monarchy sieng an/	3665
Alexander der thewre Mann/	
Antiochus der Wütterich/	3774
Regiert die zeyt sehr grausamlich/	
Judas Machabeus auch friegt/	3782
Zu diser zeyt/ vnd offemals siegt/	

- 3913 Die vierdte Monarchy fort herrscht/
 Yulius Cesar war der erst/
 3945 Maria Geburt außerkoren/
 3990 Christus IESUS wardt auch geboren.
 (Jar nach Christi Geburt.)
 2 Herodes ließ ombbringen gschwindt/
 Bil kleiner vnschuldiger Kindt/
 4 Johannes der Euangelist/
 In disem Jar geboren ist/
 30 Johann taufft Christum am Jordan/
 Christus fieng seine Predigt an/
 32 Herodes Johannem sehen hieß/
 Vnd im sein Haupt abschlagen ließ/
 Regenspürg Tyburtius Nero hat/
 Gebawt/auch Nürnberg die Statt/
 34 Christus der Herz wurde da gefangen/
 Vnd ellend an das Creutz gehalten/
 35 S. Steffen wurde gworffen zu todt/
 Paulus bekehret sich zu Gott/
 37 Das erst Concilium der alten/
 Ist zu Jerusalem gehalten/
 51 Ein grosse thewrung wardt gemeld/
 Die gieng fast durch die ganze Welt/
 71 Paulus das außervölte Fass/
 Zu Rom sein Haupt verlieren was/
 75 Titus Vespasianus hat/

Verstört

Gerstört Jerusalem die Statt/	
Corinthus der Kezer im Bad/	83
Sein todt schendlich genommen hat/	
Bencochab macht jm ein zulauff/	106
Warff sich für ein Messiam auff/	
Der Päpstlich Suel wardt da verruckt/	135
Vnd gen Auinion geschmuckt/	
Das Nicensisch Concilium/	326
Hielt man wider den Arium/	
Würzburg wardt zu ein Herzogthumb/	
Durch den Herzog Genebaldum/	
Ambrosius wardt Bischoff gewiß/	378
Ein Concilium man halten ließ/	386
Zu Constantinopel darnach/	
Sanct Augustin man tauffen sach/	391
Erfurt die groß vnd weyte Statt/	
Ein Müller erstlich bawet hat/	
Roma die Statt war auch gewonnen/	412
Von den Gotten vnd von den Hunnen/	
Der Tyran Attilas genandt/	453
Gar grausam wüt im Teütschenlandt/	
Roma war auch gewonnen wider/	456
Von Wenden/vnd geschlagen nider/	
Schloß Henneberg gebaut ist woren/	458
Von einem Römer hoch geboren/	
Dietrich von Bern ein König regiert/	490

- Zu Rom gewaltig Triumphiert/
 548 Zum dritten mal wardt Rom zerstöret/
 Durch Dotilam in grundt verhöret/
 548 Keyser Moriz mit Weib vnd Kind/
 Enthaupt wird von Phoca geschwind
 Der sich ins Reich getrungen hat/
 604 Vnd bestättigt des Papsst Primat/
 606 Machomet der böse Vnchrist/
 In disem Jar geboren ist/
 717 Sanct Bonifacius wardt gsandt/
 Zu bekehren das Teütsche Landt/
 749 S. Burckhardt der erst Bischoff war/
 Zu Würzburg das ist offenbar/
 752 Dem hat der König vbergeben/
 Das Herzogthumb bey seinem leben/
 769 Carolus Magnus ein Weiser/
 Warit der erste Teütsche Keyser/
 1002 Siben Churfürsten ordnen thet/
 Auff dem die wahl eins Keyseris steht/
 1017 Henricus der fünfft Keyser/hat
 Gewunnen Nürenberg die Statt/
 1040 Beringarius der Keyser lebt/
 Der Christen worten widerstrebt/
 1074 Die Gaislichen zu diser zeyt/
 Hetten vil groß gezänck vnd streyt/
 Darumb die Layen sich vergleichtent/

Die

Die Sacrament einander reicheten/
 Herzog Heinrich vertrib man zhand/ 1100
 Auß Bayren in das Sachssenlandt/
 In einer Auffrühr hört ich sagen/ 1107
 Wardt der Bischoff von Mainz erschlagen/
 Groß Rauberey nam vberhandt/ 1116
 Durch auß im ganzen Franckenlandt/
 S. Bernhardt wardt ein Apte schawt/ 1122
 Hat hundert vnd sechzig Klöster bawt/
 Ott Bischoff zu Bamberg wolgeacht/ 1123
 Hat Pommerlandt zum Glauben bracht/
 Keyser Conradt an Türcken zog/ 1144
 Der zehendt Mann kam wider noch/
 Ein gar grosser Türckenzug war/ 1188
 Vnd Magdeburg verbrennet gar/
 Ein sterb zu Rom find man geschriben/ 1213
 Nur zehen Menschen lebendt bliben/
 Zwey tausendt junge Kinder gleich/ 1214
 Loffen hinweg da auß Franckreich/
 Bischoff von Würzburg vnuerzagt/ 1225
 Mit dem von Mainz thet eine schlacht/
 Das H. Grab Keyser Fridrich gwan/ 1226
 Prediger Ordnen sienge an/
 Das Reich sibentzig Jar vaciert/ 1257
 Vnd ohn ein Keyser wardt regiert/

- Herzog Ludwig von Bayern der alt/
Enthaupt sein Gemahel mit gewalt/
1260 Sollen die Statt von langen zeiten/
Mit irem Bischoff müsten streyten/
Vmb der Statt schlüssel die sie hetten
Vnd Ritterlich erscheyten theten/
1273 Graf Rudolph von Hapsburg fürwar/
Wardt Römischer König dis Jar/
1300 D; Türckisch Reich sein anfang nam/
Wol von dem Keyser Ottoman/
Papist Bonifacius der acht/
Das erste Jubeljar auffbracht/
1347 Carol der vierdt in disem Jar/
Römischer Keyser erwöhlet war/
Vil tausendt Juden wurden verbrand
So die Brunnen vergiffet handt/
1368 Zu Nürnberg ward ein groß auffrur/
Von Messgern/doch vertragen wür/
1378 Zwen Päpst regierten beydesam/
Keyser Carl auch sein ende nam/
1379 Vor Keytlingen geschach ein schlacht/
1389 Büchssen Puluer ein Mönch erdacht/
1388 Vil Brennens man in Bayern sach/
1389 Zu Weyl ein grosse schlacht geschach/
1390 Türck thet vil Christenleit berauben/
1398 Schotlandt wart befehret zü glauben/
Psalts

Pfalzgraf Ruprecht zum König erwarb/
 Wenceslaus abgesetzt ehe er starb/ 1400
 Die hohe Schül zu Prag zergien/ 1406
 Vnd die zu Leppzig sich anfieng/
 Costniz wardt ein Concilium zu hand 1414
 Da wardt Johannes Hus verbrandt/ 1415
 Auffrühr zu Prag erhüb sich gleich/ 1416
 Wider die Böham zog das Reich/
 Boren gewan man die Reichstatt/ 1423
 Zu Epling man den Thurnier hat/ 1425
 Erfroz Wein Korn niders vnd hoch/ 1430
 Der Keyser gehn Jerusalem zoch/ 1436
 Ein Concillium zu Basel war/ 1439
 Keyser Fridrich wardt König diß Jar 1440
 Johann Guttenberg zu Mainz erfand/
 Die Truckerey im Teütschenlandt/
 Ein kalter Winter thet sich regen/ 1442
 Dreyssig vnd sechs schnee thet es legen/
 Mayenfeldt gwann man auff die fart/ 1443
 Ein grosse schlacht zu Basel wardt/ 1344
 Ein Schlacht zu Epling ist geschehen/
 Des Keyfers Krönung hat man gesehe 1452
 An Türcken zog man in dem Jar/ 1456
 Die Knaben zogen zu S. Michel dar/ 1457
 Dem König Lafla wardt vergeben/ 1459
 Keyser wardt frönt in Ungern eben/

Maximil

- 1460 Maximilian Geburt man sach/
 Zu Wien grosse Auffrühr geschach/
 Keyser Fridrich ward drinn gefangen/
 1462 Drey Herrn ist's auch also ergangen/
 1462 Mainz wardt gewonnen jämmerlich/
 1473 Lutlich geschach desselben gleich/
 Im Teütschland allenthalb vil wäld/
 Sünden sich selbert an ich meldt/
 Zu Ingolstatt fieng die hohe schul an/
 Auch starb der Keyser Rothenzan/
 1474 Von allen orten zog man auß/
 Für Elefort das veste Hauß/
 1475 Gehn Neuß zog man an allen orten/
 1476 Ein schlacht war vor gräsen vñ mortē/
 1477 Darnach ein schlacht vor Nasan was/
 1480 Die Sündfluß auff dem Rein herfloß/
 1484 Die hohe Schul zu Mainz fundirt/
 1486 Maximilianus König wirdt/
 1488 Zu Prück fieng man den König gleich
 Für Gend zog auß dz Römisch Reich/
 Der Schwebisch bund in disem Jar/
 Nam seinen anfang das ist war/
 1491 Ein Heerfart man gehn Hunger thet/
 Das Reich sich auff das Lechfeld legt/
 1492 Keyser Fridrich schnit man ein fuß ab/
 1494 Zu Linz er seinen Geist auffgab/

Die ersten Landsknecht seind ankommen/
 Zu diser zeyt hab ich vernommen/ 1495
 Zu Straßburg zü Spanbet genandt/ 1497
 Sein 24. Menschen verbrandt/
 Ein Zug an die Schweizer geschach/ 1498
 Die schlacht vor Nürenberg darnach/ 1502
 Ist mit dem Margrafen geschehen/
 Blütkreuz sielen hab ich gesehen/ 1503
 Herzog Jörg von Bayrn ist gestorben/ 1504
 Drey Päpft haben den Stül erworben/
 Der Bayrisch Krieg gieng an mit macht/
 Bāham verlor ein grosse Schlacht/
 Württemberg an die Pfalz zoch/
 Der Landtgraff machet manchen roch/
 Mülhausen thet zu Schweizern fallen 1506
 War dem Reich zu wider in allen/
 Ein grosser Comet wardt gesehen/
 König Philipp dem todt thet nehen/
 Der Welch Krieg sieng an dise zeyt/ 1508
 Papst Julius stiftt Morde vnd leydt/
 In Friaul wurden vil Stätt gwunnen/
 Herzog Albrecht hats endt genommen/
 Der Keyser Paudua gewan/ 1509
 Vier Mönch zu Bern verbrennet man/
 Venedig thet in Krieg sich schicken/ 1510
 Dem Röm; Keyser kertens den rücken/

- 1511 Vor Cremona geschach ein schlacht/
Erlagt Venedig all jr macht/
1512 Des ward gewonnen die Edle Statt/
Der Herzog Maylandt wider hat/
Für hohen Krön zog auß der Bunde/
Zerstört vñ verbrands auff den grund/
Vor Rauenna als ich euch sag/
Geschach ein Schlacht am Ostertag/
1514 Vor kält erfroz der Rhein so hart/
Das drüber gieng ein Wagenfart/
Bononi wardt an Vapst ergeben/
Frankhof auß Welschlandt vertriben
Ein General Concilliū fürwar/leben
Hielt man zu Bassaw dises Jar/
Vor Dision wardt auch abzogen/
1515 Vñ wart die Endgnoschafft betrogen/
Auff heylig Creüz tag in der nacht/
Geschach ein grosse schweizer schlacht/
Waidhofen vnd auch Reichenhall/
Auff einen tag außbrunnen all/
Herzog Ulrich vñ Württemberg wird
Sein Gemahel hinwegt geführt/
Maylandt gewunne der Frankhof/
1517 Im Windisch Land wart auffrühr groß
Martin Luther sein anfang nam/
Zuschreiben wider den Ablass Kram/
Wil

Bil hundred siengen zu Straßbürg an/
 Zu tanken beyde Fraw vnd Mann/
 Maximilian mit todt abgieng/ 1519
 Die Walfart gehn Regenspurg anfieng/
 Herzog Ulrich vertrib man gar/
 Carolus quintus Keyser war/ 1520
 Griechisch Weysenburg der Türck zubrach/
 Den Graf von Otting man erstach/ 1521
 König auß Denmarck war vertriben/
 Von seinem Reich sind ich geschriben/
 Zu Wurms der Keyser einher reyt/
 Luther kam dar auff's Keyser's gleyt/
 Franz Sickingen belägert Tryer/
 Des Keyser's Volck zog für Wasier/
 Umb Mayland kriegt man zehen Jar 1522
 Vertriben wurdet jr Herzog gar/
 Rhodis dem Türcken hat sich ergeben/
 Zu Nürnberg war ein Reichstag eben/
 Die Raubschlösser der Bund verbreit/ 1523
 Franz von Sickingen nam sein endt/
 Franciscus König in Franckreich/ 1524
 Hat Maylandt gwonnen gwaltigleich/
 Ein grausam Pestilenz gieng für/
 In Maylandt/traff ein jede thür/
 Villach die Statt vnd Wien verbran/

- Der Bawrn Auffrühr sich fieng an/
 Fridrich von Sachsen Churfürst wist
 Auß diser Welt verscheyden ist/
 Carl Frankhoh vor Pavia fieng/
 König Ludwig in Ungern vergieng/
 1526 Ofen die Ungerisch Hauptstat/
 Der Türck im Sturm erobert hat/
 Keyser Carolus nam diß mal/
 Isabella Königin auß Portugat/
 Die Widertäuffer seind erstanden/
 Gar nach in ganken teütschen landen/
 1527 Ferdinandus Ofen gewunn/
 Johann Waida dauon entrunn/
 Rom war geplündert nach dem sieg/
 1528 Burgundt vnd Geldern hetten krieg/
 Die Stät Deuenter vñ auch Schwol/
 Burden vneinig vmb ein Zoll/
 Zu Bern disputiert man sehr/
 Wegen Euangelischer Lehr/
 1529 Der Türck Statt Wien belägert gar/
 Ein Thewrung fieng an siben Jar/
 Ein Plag kam in das Teütsche Landt/
 Die war der Englisch schweiß genand/
 Ein ander Reichstag war zu Speyr/
 Da handelt man vmb Türcken steür/
 1531 Der Hertzog von Sophoy fürwar/

Hat Genff belägert in dem Jar/
 Ferdinandt wardt zu Köln erwöhlt/
 Zum Römischen König als man zelt/
 Die Schweizer hetten ein Auffrühr/
 Der Türck wider in Osterreich führ/ 1532
 Zu Nürnberg war ein sterb nit klein/ 1533
 Der Württenberger kam wider ein/ 1534
 Zu Münster der Widertauffer schar/ 1535
 Burden vom Reich vertilget gar/
 Carolus der fünfft Keyser Herz/
 Gewan Thunis vber Meer so ferz/
 Frankhof hett mit dem Keyser krieg/ 1536
 Doch jr keiner gewan der Sieg/
 Graff von Serin den Kansianer erstach/
 Vnd das Christenblüt an jm rach/ 1537
 Keyser vñ Frankhof hon frid angstelt/ 1538
 Auch hon sich die Mordtbrenner gsel/ 1539
 H. Jörg von Sachssen ist gestorben/
 Herzog Heinrich hats Landt erworben/
 Hart straffe der Keyser die Statt Gendt/
 Die sich auffrührisch hat genendt/
 Der Waida starb in disem Jar/
 Ein Beck die Statt verbrennet gar/
 Auch was ein heisser Summer hewr/ 1540
 Wuchß gütter Wein vnd nicht fast thewr/
 Herzog Heinrich von Sachssen starb/ 1541
 Sein

Sein Son Moriz das Reich erwarb/
Zu Prag verbrandt das köstlich Schloß/
Auch etlich hundert Häuser groß/
Der Türck nam Ofen ein zuhandt/
Ein sterben war im Niderlandt/
Zu Regenspurg ein Reichstag ist/
Der Keyser sich auff Allgeri rüst/
Der Mönch Ofen hat eingenommen/
Des Königs Volck ist vil umbkommen/
Keyser erstlich gehn Nürnberg kam/

1542 Vor Best mannicher schaden nam/
Der von Braunschweig der war vertribē/
Zweyen Fürsten ist sein Landt bliben/
Zu Speyer ist ein Reichstag woren/

1543 Grän Stat vñ Schloß war als verlorē
Ein Reichstag auch zu Nürnberg war/
Der Bischoff von Augspurg starb dar/
Maria mit Cleue hett Krieg/
Carolus kam gewan den Sieg/
Der König auß Poln hochzeit hett/
Dewren verbrandt man an der stett/

1544 Ludwиг der Churfürst starb am Rein/
Der Keyser kriegt in Franckreich nein/

1545 H. Heinrich vñ Braunschweig der alt/
Wardt mit seim Son gefangen baldt/
Herzog Ludwиг von Bayren starb/

Herz

Herz Lienhardt von Fels auch verdarb/
 Zu Wurms ein Reichstag war citiert/ 1546
 Zu Regenspurg man Disputiert/
 Doctor Martin Luther verschied/
 Der Keyser hett grossen vnfried/
 Mit den Protestierenden Ständen/
 Röm: Königin thets leben enden/ 1547
 Herzog Hanns von Sachssen gefangen/
 So ist dem Landtgrafen auch gängen/
 In Böhham ein gross Auffrühr war/
 König in Frankreich starb diß Jar/ 1549
 Carolus Son kam in Teütschlandt/
 Maximilian hett Hochzeit zu handt/
 Wurdt König in Böhham/ Papst Paul starb
 Julius der dritt den Stuel erwarb/
 Von Mantua starb ein Herzog reich/ 1550
 Herzog Wilhelm in Bayrn desgleich/
 Herzog Ulrich von Württemberg in Goet/
 Vnd Graf Niclas von Salm seind Todt/
 In Affrica Keyfers Hauptman sieget/
 Magdeburg blägert vnd bekrieget/
 Das nach vil schaden vertragen wur/ 1551
 Maximilian nach seim Gmahel. fähr/
 Der vntrew Mönch wardt ombgebracht/
 Die Fürsten rüsten sich mit macht/ 1552
 Augspurg den Fürsten sich ergab/

Vor der Statt Ulm zogens wider ab/
Marggraff Albrecht vor Nürnberg lag
Zog wider ab durch ein vertrag/
Nach dem belägert wurdt Franckfurt/
Der von Mechelburg erschossen wurdt/
Vnd Oppenheim geplündert wardt/
Mantz/ Speyr vnd Wurms geschäket
Herzog Moriz vertragen war/ (hardt
Der Keyser ruckt für Weße dar/

1553 Sein Volck sehr grossen schaden nufft/
Marggraf fiel von Frankhosen omb/
Würzburg vñ Bamberg beyde sandt/
Die griff er an mit Raub vnd Brandt/
Bey Honofer wurdt er geschlagen/
Darbey vier tausendt Mann erlagen/
Doch Herzog Moriz erschossen ward/
Vñ zwen Fürstē vñ Braunschweig zart
Bey Braunsch. verlor er noch ein schlacht
Darnach kam er inns Keyfers acht/

1554 Schweinfurt am Main belägert war/
Vnd der Marggraf erschlagen gar/
Schweinfurt wurdt gar in grund ver-
derbt/

Ein Tag zu Augspurg wardt benende/
Herzog Hanns vñ sein Gemahel starb/

1555 Pappst Julius tödtlich verdarb/

Der

Der Türck sehr grossen schaden thet/
 H. von Braunschweg Hochzeit hett/ 1556
 Ein Reichstag wurde zu Regenspurg/
 Ein Comet scheint die Welt hindurch/
 Pfalzgraff Friderich der verschied/
 Marggraff Albrecht den Todt erlitt/
 Auch war inns Ungerlandt ein Zug/
 König Philipp den Franzosen schlug/
 Ein Wasserguß der war zu Rom/
 Gehn Wurms mancher Gelehrter kam/
 Cales der Franzhofß gwan mit zoren/ 1558
 Ferdinandt Keyser erwöhlt ist woren/
 Bischoff von Würzburg erschossen ist/
 Fraw Maria starb zu diser frist/
 Keyser Carl sein leben beschloß/
 Dietenhofen gewan der Franzhofß/
 Der Moscowitter das Liefflandt/
 Grausam verhöret vnd varbrandt/
 Ein Reichstag zu Augspürg anfieng/ 1559
 Herzog Ottho mit todte abgieng/
 Nach dem hat frid gemachet gleich/
 König Philippus auß Franckreich/
 Der König auß Franckreich glaubt mit/
 Auch tödtlich wurde in ein Thurnier/
 Pfalzgraf Fridrich Churfürst am Rhein/
 Endert diß Jar den Glauben sein/

- 1560 Philipp Melancthon starb diß Jar/
 Groß Hagel vnd Ungewitter war/
 Bamberg mit Nürenberg hett krieg/
 Wardt doch vertragen ohne Sieg/
 Ein Münzordnung stelt man die zeyt/
 1561 In Franckreich war jamer vnd streyt/
 1562 Maximilians Kröhnung man sach/
 Wardt Römischer König zu Prag/
 Vnd Römischer König zu Franckfurt/
 Groß sterben man zu Nürnberg hort/
 Maximilianus erst berürt/
 Auch Ungerischer König wirdt/
 Wilhelm von Grumbach vnbedacht/
 Nam Würzburg ein bey finster nacht/
 1664 Poln mit Mosco hett groß vnfridt/
 Keyser Ferdinandus verschied/
 Sein Son Maximilianus frumb/
 Kam darnach an das Keyserthumb/
 1565 Ducky der Schwendi bald einnam/
 Der Türck darnach für Malta kam/
 Denmarck vnd Schweden kriegten zwar/
 Mit einander auff sechs Jar/
 1556 Maximilian zu Augspurg hewr/
 Ein Reichstag hielt vmb Türckenstewr/
 Der Türck sehr grausam thet zumoren/
 Siget vnd Zula wardt verloren/

Im Niderlandt ein endrung gschach/
Der Türckisch Keyser starb hernach/
Gotta vnd Grinienstain merckt eben/ 1567
Uberzug man/thet sich ergeben/
Grumbach/vnd ander ächter zgleich/
Wurden gfangen vnd gricht vom Reich/
Zu Regenspurg wardt ein Reichstag/
In Franckreich groß empörüg gschach/ 1568
Defgleich im Niderlandt auch gieng/
Groß Blütuergiessen sich anfieng/
Drey Fürsten thet man Köpff abschlagen/
Den Prinz von Brian verjagen/
Philipp Landtgraf legt sich zu rhü/
H. Heinrich von Braunschweg darzu/
Herzog von Württemberg verschied/ 1569
Großfürst in Preussen den todt erliet/
Herzog Erich von Braunschweg zart/
Zu der zeyt Euangelisch wardt/
Zu Altenburg da thet man halten/
Ein Colloquium/noch blibens gspalten/
Venedig schaden nam durchs Sewr/
Zeriß jr Zeüghauß vngewer/
Der Prinz von Conde gfangen wordt/
Jämmerlich durch ein schuß ermordt/
Herzog Wolffgang in Gott verschied/
K. Maximilian zu Nürnberg einrytt/ 1570

Zu Speyr hielt man ein Reichstag güt/
Hat auch geregnet Korn vnd Blüt/
In Franckreich macht man ein vertrag/
Türck gwan Insel Cypren hernach/
Seelender vnd ander Stätt güt/
Eiden schaden durch Wasserflüt/
Groß Thewrung fieng sich an diß Jar/
Gar hart vnd streng den Armen war/
Die Benediger / der Papsst / vnd
Prinz auß Spanien machten ein bund/
Widern Türck / rüsten sich zur Schlacht/
Erlegt im auffm Meer all sein macht/
Groß sterben im Bistumb Salzburg war
Inßbruck kam durch Edebidm in gfahr/
1572 Am Himmel sah man groß wunderding
Der Herz von Plaw mit todt abgieng/
Das Niderlandt mehr kriegen het/
König von Nauarra Hochzeit het/
In Franckreich war Rumor nit klein/
Ein heller Cometstern erschein/
1573 Herzog Johā Wilhelm vō Weinmar
In Gott entschlaffen zu der frist/ (ist/
Johann Austria Thunis einnam/
1574 Der Türck es widerumb bekam/
Goletta gwan der Türck mit gwalt/
Vnd die New Bestung gleicher gstate/
Carolus

Carolus König in Franckreich wist/ 1575
In diser zeyt verschieden ist/
Heinrich auß Poln in Franckreich kam/
Da sieng sich ein newer Krieg an/
Herzog Rudolph in Osterreich/
Wurdt diß Jar Römischer König gleich/
Das Jar hernach erfroz der Wein/ 1576
In Francken/Necker/Elßaß/Rhein/
In Franckreich macht man ein vertrag/
Zu Regenspurg wurdt ein Reichstag/
Moscowittrisch Botschafft dar kam/
Keyser Maximilian sein endt nam/
Steffa Bathori Waida ghandt/
Wurdt der zeyt König in Polnerlandt/
Pfalßgraf Fridrich Churfürst am Rhein/
Hat auch geendt das leben sein/
Der Römisch König Rudolph ghandt/
Wardt Römischer Keyser zuhandt/
Andorff wardt plündert/zuuor Mastrich/
Poln sieng mit Dankka an ein Krieg/
Franckreich kriegt wider hört ich sagen 1577
Wurdt doch widerumb bald vertragen/
Mosco Lieflandt groß schaden thet/
Mit grossem strahl schien ein Comet/
Das Niderlandt kriegt aber noch/ 1578
Johann de Austria an sich zog/

Ofen der Ingrischen Hauptstätt/
Das Wetter grossen schaden that/
Der König auß Portugal mit Nam/
Sampt zweyen König im Krieg umbkam/
Joan Austria starb/hört man sagen/
Türck wurd von Persiern geschlagen/
Etlich Wascha er stranguliert/

1579 Mosco von Wenden gschlagen wurde
Die Spannier gwinnen Nastrich/
Gegen Mosco nam man für Krieg/

1580 Albrecht von Bayrn sein leben endt/
Sein Son Wilhelm bsatz Regiment/
Die Fürstin zu Newmarck in Gott/
Verschiedt/die alt in Bayrn ist todt/

1581 Die Mönich Nunnen vñ die Pfaffen/
Thet man zu Andorff allweg schaffen/
Die alte Keyserin von Wien/
Zog wider in Hispanien/

1582 Die Churfürstin am Rhein verschied/
Volln macht mit Moscowitter frid/
Das Wetter thet groß schaden sider/
Mit Gewässer/Hagel vnd Ungewitter/
Der Bischoff von Mainz auch todt lag/
Zu Augspurg hielt man ein Reichstag/
In Böhmerlandt starbs/auch zu Prag/
In Teutschlandt an vil ort hernach/

Der

Der Bischoff von Cöln Henrat thet/ 1583
Wardt Euangelisch/ Hochzeit hett/
Herzog von Württemberg einrytt/
Zu Nürnberg sein Gemahel verschied/
Ehlich wardt sie gleyt auß der Statt/
Von dem kleinern vnd größern Rath/
Pfalzgraf Ludwig Churfürst am Rhein/
Hat auch geendt das leben sein/
Der Graf von Henneberg mit Nam/ 1584
Georg Ernst starb der lezt diß Stamm/
Der Prinz von Branien wardt
Erschossen/ Andorff blägert hart/
Mit Andorff macht man ein vertrag/
Die ander Parthey darfür zog/
Die Churfürstin von Sachsen sterben thet/
Er freyt wider vnd Hochzeit hett/ 1586
Baldt darauff verschied er in Gott/ 1587
Deß Seel in Gottes Händen stahet/
Diß Jar der frumb Maximilian hart/
Teütschmaister zu Pitschin gfangen wardt/
Vnd dann gehalten lang zu Polen/
Sein Gfängtnuß wöll Gott schier erholen/
Vnd schaffen wider zu Landt vnd Leüt/
Das er jetzt muß verlassen went/ 1588
Auch so war diß Jar eingenommen/
Durch Princken von Chimoy dem frommen/
Von

Bonn die Statt/welche er bezwang/
Vnd dem Martin Schencken abtrang/
Als dises Jar nun lieff zu endt/
Ließ vnuersehens vnd behendt/
Henricus König auß Franckreich/
Den von Guisa/vnd auch zugleich/
Mit jm der Herren etlich mehr/
Hinrichten dann er sorgt gefähr/
1589 Constantinopel die groß Statt/
Gestecket in Brandt wütendt hatt/
Der Janitscharen grosse macht/
Zwen Waschen man auch hat vmbbracht/
Im Niderlandt der Krieg sich regt/
Gertraudenburg wirdt hart belegt/
Von Staden die doch ziehen ab/
Dem Parma man sie vbergab/
Bey Newmögen dem Martin Schencken
Die oberladne Schiffertrecken/
In Franckreich dasselb Parlament/
Für iren Obristen erkendt/
Den Herzog von Mayne/darnach
Den König selbs ein Wönich erstach/
Welcher Jacob Element genendt/
Vnd auch zugleich sein leben endt/
Nach des Königs Heinrichs endt/

Nimbt sich an vmb das Regiment/
Der von Nauarra/laßt im schweren/
Vnd für ein König sich erklären/
Der König/ehe sein entschafft hett/
Den von Nauarra ordnen thet/
Im nach zukommen/drauff er balde/
Erobern thete mit gewalt/
Estampes/Pontons vnd Faloise/
Der von Sophoy/seindlicher weyse/
Belägert Genff/der von Mannsfeld/
In Geldern Wachtendonck erhelte/
Der Herzog von Lottring/ohn zagen/
Mit went von Straßburg/thet er schlagen/
Wil Reitter/so nach Franckreich wolten/
Vnd selbem König beystehn solten/
Der Don Anthoni von vnglück/
An Portugal wagt noch ein stück/
Zu dem beweyset im beystandt/
Mit einer Armada Engelandt/
Maximilianus der werth/
Auff Polen wider ledig kehrt/
Nach einer Disputation/
Verendert die Religion/
Marggraf von Baden Hochgebozen/
Dann er der zeyt Catholisch wozen/
Erzherzog Carl auß Osterreich/

1590

Entschlaffen

Entschlaffen thet gar seligleich/
Man hat auch dises Jar gehort/
In Osterreich vnd ander ort/
Bil der Erdt bidem hin vnd wider/
Die schröcklich hon geworffen nider/
Bil Kirchen vnd auch manches Haus/
Bil Thüren vnd Gebew durch auß/
Bil Heren Weyber so entwicht/
Im Teütschlandt wurden hingericht/
Die hin vnd wider mit dem Fehr/
Gestraft wurden ganz vngewer/
Bil teütsch Volck zeücht in Franckreich ein/
Vnd wardt doch jr verrichtung klein/
Der von Navarra sich fortan/
Vmb etlich Stätt thet nemen an/
Theyls er gewunne mit gewalt/
Eins theyls sich hondt ergeben balde/
In Franckreich auß dem Niderlandt/
Kompt der von Parma wolbekandt/
Vierhundert seines Volcks/Chalon/
Die Statt/bald oberfallen thon/
Die wurden auff dasselbig mal/
Erschlagen vnd verworffen gar/
Die Statt Paris wirdt hart belegt/
Vom Navarro/drumb sich erregt/
Ein solche Thewrung/ das sie Raxen/

Maus

Mäuß/Hund/Rossz/ Esel vnd die Ragen/
Gefressen haben/vnd darneben/
Erde Segmel/ bletter von Weinreben/
Dardurch von hunger vil verdorben/
Vnd sanst durch ander Seuch gestorben/
Drey Kronen ein pfundt Butter galt/
Für ein Dy man zwölff Stüber zalt/
Ein Burger wegen hungers not/
Nicht Weyb vnd Kindt hin zu dem todt/
Sich darnach selber auch erheneckt/
Also in diser Jammer kränckt/
Der König endlich bricht da auff/
Als zu her rückt des Maine hauff/
Der wirdt doch in denselben tagen/
Von dem Nauarzo hart geschlagen/
In Niderlanden Berck die Statt/
Das Spanisch Volck belägert hat/
Die sich an selben König thut
Ergeben/ bleybt bey Haab vnd Güt/
Deßgleichen mehr: Stätt sich ergeben/
Graf Moriz straiffet auch darneben/
Erobert Breda/nicht ohn list/
Nil Schlöffer/Schanzen wol gerüst/
Ergeben thon sich in sein hand/
Wie gleichfals Stenberg in Brabandt/
Diß Jar ein heissen Sommer hett/

Wein

Wein vnd Korn wol gerathen thet/
Osterreich vnd sonst manches ort/
Vil der Erdtbidem hat gehort/
1591 Casimirus Churfürst am Rhein/
Vmb das New Jar thüt schlaffen ein/
Dem volget Churfürst Christian/
In Sachsen/vnd fangt wider an/
Die grosse thewring zu Paris/
Die Burger zu Chartres gewiß/
Den König für ein Herzen kennen/
Der alßdann Rouan thüt berennen/
Von Parma derselb Herzog güt
Im Niderlandt einsetzen thüt/
Graff Peter/Ernsten von Manssfelde/
Den er an seine statt bestelt/
Vnd thüt nach Frackreich ziehen er/
Mit einem zimlich starcken Heer/
Der Jung von Guisa ledigt sich/
Auf der Befägtnuß wunderlich/
Wie Kriegen sehtz Graff Moritz fort/
Im Niderlandt/nimbt ein vil ort/
In Flandern Hülft die Statt er gwint/
Newmögen sich deßgleich verbindt/
Mit jm/die sich ergeben ist/
Fast eben omb die selbig frist/
Die Keyserliche Majestat/

Beschlossen

Beschlossen mit dem Türcken hat/
Ein Friden auff acht ganzer Jar/
Der aber balde gebrochen war/
Dann als der Türck nach langem streyt/
Mit Persien/zur selben zeyt/ 1592
Ein Friden hette angestellt/
Er darauff bald in Hungern felt/
Da dann der Hasan Basa gschwinde/
Sich vmb das vest Haus Rebißch finde/
Mit zweymal hunderet tausende Mann/
Greiffte Bihitsch auch die Bestung an/
Crastowis/Brissnick bringt die bald/
Petrinam auch in seinen Gwalt/
Crabaten/Wenden er angreiffe//
Durch Turopoliam auch streiffte/
Da er ganz jämmerlichen häuset/
Der Christen fünff vnd dreissig tausende/
Er auff den Landen führet wegt/
Belägert darnach auch Segt/
Müßt doch mit schaden zu en ab/
Zuschaffen im ein Thumherz gab/
Die Steyrer an der Ealp erschlug/
Den Sieg auch von den Christen trug/
Die er bey Carolstat erlegt/
Damalen Sulten wardt bewegt/
Ein absagbrieff nach Prag zuschicken/

In hoffnung solte im gelücken/
Der Keyser thet zu den Reichsständen
Vmb hilff wider den Erbfeinde senden/
In Franckreich/ Neuffschattel die Statt/
Erobert der von Parma hat/
Von welchem auch geschlagen wurde/
Das Volck/ so in Franckreich geführt/
Aus Hollandt beydes vnd Seelandt/
Demselben König zum beystandt/
Entsetzet auch die Statt Rouan/
Zeucht wider etwas schwachs darvon/
Hat zu Atrecht sein ende genommen/
Graf Moriz damals einbekommen/
Mit gewöhyter handt/ Steinwicken hat/
Deßgleichen Couorden die Statt/
Als zwischen Strassburg diser zeyt/
Vnd Loiringen gewesen streyt/
Von desselbigen Bistumb wegen/
Thet man gütlich die ch hinlegen/
Der Türck sich in Cabaten rühret/
Gefangner Christen vil wegl führt/
Im Hungerlandt er auch nimbt ein/
Pallata/ Besprin/ bringt in pein/
Wil Christen doch herwiderummen/
Die Christen haben einbekommen/
Blobenstain/ Serschin vnd Willeck/

Die Türcken ziehen selbst hinweg/
Als Tregel er Polanck a auch/
Vnd ort hett mehr gesteckt in Rauch/
Der von Rödern ein dapffer Mann/
Greiffte mit drey hundert Reütter an/
Sechs tausent Türcken die er trendt/
Wil Christen da er ledig sendt/
Von Bosna derselb Bassa wardt/
Vor Siseck bald geschlagen hart/
Kompt selbs/ vnd sunst ein grosse sumb/
Daselbsten in dem Wasser vmb/
Nom Beglerbeg auß Griechen war/
Die Statt erobert doch diß Jar/
Auch wirdt der Türck in selben tagen/
Bey Weysenburg im Feld geschlagen/
Groß Gwässer vmb Preßburg thet sein/
Ein Comet dises Jar auch schein/
In Franckreich vil die stimmen gaben/
Das man zum König solte haben/
Den jungen Herkogen von Guyß/
Ein Auffrühr aber zu Paris/
Hat dise Publication/
Gehindert/ vnd zeliicht für Raion/
Graf Earle von Mannsfeldt der Helde/
Nauaria sich Catholisch stelt/
Zu Dynis er Communiciert/

Hört Moch/ vnd da gesalbet wirdt/
Ein Auffrühr zu Lion entsteht/
Den von Nemours man fangen thet/
Am Rhein der Pfalzgraf Friderich/
Mit Nassaw hat verheyrat sich/
Gertrautenburg in dem Frießlande/
Gibt sich in Graff Morizen handt/
In Hungern thet der groß Türck senden/
1594 Den Sinan Bassa/so der enden/
Thet kommen auff dasselbig mal/
Bracht Türckisch Volcks ein grosse zal/
Nouigrad/in dem Werzen baldt/
Sich gabe in der Christen gwalt/
Vor Natuan müste Tieffenbach/
Abziehen vnuerrichter sach/
Der Sinan Bassa Thotis gwan/
Sich auch vmb Raab thet nemen an/
Die im doch leichtlich wurdt auffgeben/
Die Vestung Papa auch darneben/
Verlassen von den Christen war/
Ein Reichstag hielt man dises Jar/
Zu Regenspurg/vnd wurdt ohn langen/
Zu Wien Graff von Hardeck gefangen/
Der Fürst von Sibenburgen rundt/
Macht mit dem Keyser einen bund/
Felt darauff in die Bulgerey/

Sigt/

Sigt/ vnd bekompt vil Gûts darbey/
Comorram Sinan Bassa hett
Belâgert/ doch abziehen thet/
Wil Stätt in Franckreich sich erklären/
Nauarisch sein/ für jren Herren/
Denselben König können thon/
Als Paris/ Modidier/ Lyon/
Petronne/ Bourges/ Amiens/
Hable de Graze/ Orliens/
Die Länder kriegt er auch zugleich/
Als Poictu Lanquedoqua reich/
Champaigne/ wie auch Normandey/
Auch vil der Stätt in Piccarden/
Graf Carle von Mansfeld die Statt/
Chapelle doch erobert hat/
Ein Jüngling trachtet nach dem leben/
Dem König/ thet ein stich im geben/
Das Gwässer hat in manchem Landt/
Dis Jar genommen vberhandt/
Ernestus der Erzhertzog güt/
Auf Osterreich ankommen thut/
Zu Brüssel/ das er solt regieren/
Das Niderlandt auch gubernieren/
Verduga/ der Spannische Herz/
Belâgert mit eim starcken Heer/
Eduorden/ jedoch nichts verzicht/

Auff Grönningen Graff Moriz sieht/
Belägert die/hat vnuerdrossen/
Gleich vnaußhörlich die beschossen/
So sich doch endlich hat ergeben/
Seind abgezogen mit dem leben/
Ausz Hollanden ein newe fart/
Nach Indien geführet wardt/
Drumb werden auff ein newe strassen/
Drey Schiff von dannen außgelassen.
Von Durlach der Marggraff nimbt ein/
Baden/die Marggraffschafft nicht klein/
Der König von Nauarra laßt/
Zu Rom anhalten hart vnd fast/
Das der Papsst in wöll absoluieren/
Der Kirchen auch incorporieren/
Das wirdt jm aber abgeschlagen.
Auch hett der Papsst in disen tagen/
Zur Türcken hilff bewilligt sich/
Das er wöll geben Monatlich/
Fünffsehen tausendt Kronen bar.
Deßgleichen hat auch dises Jar/
Der von Florenz zwey tausendt Mann/
Inns Hungerlandt hinschicken than/
Ein Türckische Armada kam/
Felt plößlich in Calabriam/
Verbrandt die Bäum vnd das Getreydt/
Dersel

Der selben enden weht vnd brenet/
Die führten hin mit argen listen/
Fünffzehnhundert armer Christen/
Der Herzog Maximilian/
Ausß Bayern/nimbt zum Smahel an/
Ausß Lottrinnen ein Fräwlein zart/
Elisabeth genandt diß wardt/
Der Cardinal auß Osterreich/
Albertus wirdt erwöhlt zugleich.
Das er solt ein Erzbischoff sein/
Im Spanischen Colletto sein/
Der Türckisch Keyser Amurath/
Anfang diß Jar sein ende hat/ 1595
Dem volget sein Son Mahometh/
Den Krieg derselb volziehen thet/
Vnd schicket in das Hungerlandt/
Den Sina Bassa mehr genandt/
Gwan doch nicht vil/ dann im bey Gran/
Umbkommen seind vil tausend Mann/
Hat auch die Vöstung Gran verloren/
Der seind die Christen mächtig woren/
Im heimzug der auß Sibenbürgen/
Der Türcken sehr vil thet erwürgen/
Die Vöstung Lippa/auch mit macht/
Sampt andern in sein gwalt hat bracht/
Blindenburg in dem Hungerlandt/

Thet kommen in der Christen handt/
Der Sibenbürgisch Fürst zugleich/
Verheyrat sich mit Osterreich/
Vil Spanisch Volck kompt in Purgand/
Doch nicht vil nutz drinn schaffen kundt/
Dann die fürnembste Stätt darinnen/
Die Franzhosen im abgewinnen/
Vnd thon sich in Franckreich darneben/
Vil Stätt demselben König geben/
Fuentes Spanischer Hauptmann/
Thut greiffen Picardiam an/
Bekommet Cathalet die Statt/
Gourlens er auch bezwungen hat/
Deßgleichen kriegt er Camerich/
Der von Nauarra findet sich/
Zu Lyon/rytt da stattlich ein/
Zu Brüssel endt das leben sein/
Ershersog Ernst an dessen stell/
Der Spanisch König ordnet schnell/
Albertum vom Hauß Osterreich/
Der auch ein Cardinal zugleich/
Das Niderlandt zu Gubernieren/
Damals der Pappst thet Absoluieren/
Vnd für ein Glied der Kirchen kende/
Nauarrum/so Henricus gnende/
Englische Schiff/Canariam/

Deßgleichen

Deßgleichen auch Bresiliam/
Mit plünderung/raub/brandt vnd morde/
Anfallen an manlichem ort/
Ob Moritz Graff von Nassaw wol/
In Friblandt lägert sich für Groll/
Macht doch der Spanisch Mondragon/
Das er zeücht wider ab daruon/
In Meissen / Belschlandt vnd mehꝛ enden/
Thet Gott solches Gewässer senden/
Durch welches grosser schad ist gschehen/
Zu Biadamo thet man sehen/
Das es der Häuser bey vierhundert/
Hinrisse/mehꝛer vnd nicht druntert/
Deßgleichen auch in Spannia/
Ben der Meerstatt Seuilia/
Vil Leüt vnd Viech thet es ertrencken/
Zwölff tausende Häuser auch versencken/
Der Fürst auß Sibenburg sich/ 1596
Gehn Prag verfüget schnelligklich/
Der Keyser thet im hilff zusagen/
Reißt wider heim in wenig tagen/
Dann gleich vil Tartarisch Gesinde/
Sich omb die Vestung Lippam findt/
Die er bald mit beherstem müß/
Wider daruon abtreyben thüt/
Legt sich darauß für Temeschwar/

Doch weyl sein hauff zu klein noch war/
Thet er da ziehen wider ab/
Der Türckisch Keyser sich begab/
Persönlich selber in das Feld/
Im zubegegnen war bestellt/
Ershertzog Maximilian/
Der baldt erobern thet Natuan/
Der Türck mit einer grossen macht/
Bald nach der Böstung Erlaw tracht/
Nam die nach langen stürmen ein/
Der Christen schad war da nit klein/
Der Türcken vnd der Christen hauff/
Zusamen stießen bald darauff
Da wol den Sieg die Christen hetten/
Im anfang aber als sie theten/
Dem Raub nachlauffen/vnd sich trennen/
Thet ein Türckischer hauff herrennen/
Der in die flucht die Christen trib/
Manch schöner Heldt obm platz da blib/
Marsilia/so sich lang zeyt/
Genenget hett auff keine seyde/
Sondern erzenget sich neütral/
Practiciert auff dasselbig mal/
Mit dem König auß Span nia/
Deshwegen Carel Doria/
Mit vil Kriegsschiffen dahin kam/

Die

Die Statt/doch durch verstandt einnam/
In des Königs von Franckreich Namen/
Der Fürst von Guisa/da umbkamen/
Der Consul Casault/so bissher/
Mit Spannia gehandelt sehr/
Vnd andre vil so sich genengt/
Vnd auch Spannischer Part erzeuget/
La Fere/auch ein vöstes Haus/
Die Blägerung lang zeyt steht auß/
Thet sich dem König lezlich geben/
Auß Franckreich/aber doch darneben/
Erobern thüt/vast selbigis mal/
Auß Osterreich der Cardinal/
Albertus/Cales Schloß vnd Statt/
Ardres er auch bezwungen hat/
In Flandren sich nachmalen wendt/
Hülff die Statt er bescheüßet/berennt/
Vnd stürmet die/kost vil der Leüt/
Bekompt sie doch in kurzer zeyt.
Auß Engelandt anfahen thüt/
Ein Kriegs Armata wol gemüt/
Die kompt in Andolosiam/
Da Cales Males balde einnamb/
Die Statt vnd Insel plündern heten/
Groß Güt sie drinn bekommen heten/
Ein Comet sich erzeugen war/

An manchen enden dieses Jar/
1597 In Osterreich die Bauern sich/
Zusammen rotten gwaltiglich/
Vnd thün sich wider jren Herren/
Auffrürisch gewöhnter hand empören/
Die werden doch mit schlechter macht/
Zu dem gehorsam wider bracht/
Zum Ritter Keyser Rudolph schlüg/
Sigismundum Batori klüg/
So Fürst in Sibenburgen ;war/
Das Guldin Fluß im mittheylt war/
In Ungeren man Kriegsvolck fñrt/
Da Pappa eingenommen wirdt/
Die Bestung Raab belägert man/
Doch wenig darvor richten kan/
Amiens in der Piccarden/
Wardt von der Spanischen Partey/
Der Kron in Franckreich abgenommen/
Mit list/die ist doch wider kommen/
Demselben König in sein gwalt/
Als ers belägert manigfalt/
Sauoia Krieg mit Franckreich führt/
Auf diser zeit genommen wirdt/
Des Herzogs von Souoia Weib/
Zu welchem die Kindsnot sie treyb/
In Franckreich der Verrätheren/

Eröffnet

Eröffnet werden mancherley/
Dann man den Spannischen ohn saumen/
Vil Stätt mit falscheit wol einraumen/
Derwegen müsten vil jr leben/
Der grossen Herzen drumb auffgeben/
Im Friden man nichts richten kundt/
Ob man sich solchs wol vnderstundt/
Graff Moriz von der Statten wegen/
Erobert Berckh am Rhein gelegen/
Auch Wöhris/Groll/Lingen/vnd noch mehr
In Frislandt ort/mit grosser ehr/
Die Königin Elisabeth/
In Engellandt gerüstet hett/
Ein Kriegs Armada/solcher mass/
Dergleich vor nye gesehen was/
Denen doch Ungewitters vil/
Berrucket gröblich hat das Spyl/
Unsicher war es auff dem Meer/
In allen orten nach vnd ferz/
Die Kauffleüt grossen schaden litten/
Weyl ire Schiff vil seind bestritten/
Beraubet wurden vnd gefangen/
Vil auch zu grundt darüber gangen/
Zu endt diß Jars wardt angestellt/
Ein Reichstag darzu man erwöhle/
Regenspurg/die berühmte Statt/

Sein

Sein ende das volgende Jar erst hat/
Nach dem der Herzog von Ferrar/
Mit todt abgangen jekunde war/
Versamlet Papst Element der acht/
Wil Kriegsvolck vnd ein starcke macht/
Den Don Cesare zubestreytten/
Der diß Herzogthumb auff sein seytten/
Wolt bringen/so es doch heimfül/
Mit recht Apostolischem Stül/
1598 Die Wolda/ in dem Böhmerlandt/
Thät zweymal nemen oberhandt/
Der Thonastrom in Osterreich/
In dem Ungerlandt auch zugleich/
Laufft vber alle Arwen auß/
Thät hinwegl nemmen manches Hauß/
Zü Rom die Tyber sich ergeußt/
Vnd häuffig in die Statt ein fließt/
Das man mit Schiffen in die Statt/
Müß fahren/schadens vil thon hat/
Dergleichen außläuff in vil Jaren/
Seind nicht geschehen noch erfahren/
Groß sturm vnd vnerhörte Windt/
Auff der See manches Schiff empfindt/
Fewrsnot man auch an manchem ort/
Mit grossem jammer hat erhört/
Von Schwarzenberg Herz Adolph gütt/
Die

Din Böstung Raab einnehmen thut/
Im Mercken bald/in einer nacht/
Vnd sie den Christen wider bracht/
Nachfolgend's man mit Heeres krafft/
Vnd einer schönen Ritterschafft/
Thet ziehen in das Vngerlandt/
Vnd bracht baldt in des Keyfers handt/
Pollota/Giestes/Thotis fein/
Vnd mehr Türckische Häuser klein/
Für Ofen man auch ziehen kam/
Die Vorstatt/vnd Blockhaus einnam/
Die Böstung gwaltig man beschos/
Seins lebens mancher Türck wurd loß/
Doch kundt man von Ungwitters wegen/
Die Böstung bringen nit zu wegen/
Mit Keyserlicher Mayestat/
Gewächset Sibenburg hat/
Sigismundt der Bathori zwar/
Für welchs jm eingegeben war/
Kottenburg in der Schlesi dort/
Vnd Oypel auch am selben ort/
Die er jm schwören ließ behendt/
Blyb doch nicht lang am selben endt/
In Sibenburg wider feht/
Das Volk im Landt jm wider schwört/
Erstherzog Maximilian/

Die

Die huldigung thet nemmen an/
In groß Wardein/bracht in sein gewalt/
Die Böstung/thets besessen balde/
Belägert die von Türcken wardt/
Beschossen vnd gestürmet hare/
Der müst doch vnuerzichter sachen/
Abziehen vnd zu ruck sich machen/
Der Polnisch König zeücht von Hauf/
Nach Schweden/richt doch wenig auß/
Ein Erdtbidem zwö Stätt versenck/
In der Türcken vil Leüt ertrenck/
Die Spannische Infanta sich/
Verheyrat hat gewaltigklich/
Mit Alberto von Osterreich/
Das Niderlandt kriegt er zugleich/
Mit Gräs sich auch vermählen thüt/
Von Spannia der König güt/
Sein Vatter König Philippus/
Im Herbst/sein leben selig bschluss/
Weyl Nach im Niderlandt die Statt/
Abgesetzt vnd außtriben hat/
Den Rath so thet Catholisch sein/
Vnd ein anderen setzt ein/
Hat Keyser Rudolph sie behendt/
In die Aach vnd den Bann erkendt/
In Gölch/demselben Fürstenthumb/

Vnd andern orten mehr herumb/
Das Spanisch Volck sehr vbel haufft/
Darüber manchem Menschen graufft/
Die Tyber sich also ergeufft/ 1599
Das sie also hoch steygt vnd fleufft/
Das Spanisch Kriegsvolck sich vermiffet/
Vnd in Westphalen zogen ist/
Da sie dann groß mütwillen vben/
Wil gütter Leut sehr thün betrüben/
Drumb sie zu treyben auß dem Reich/
Seind Braunschweig/ Hessen/ Onspach/
Mit Heeres macht/ in widerstanden/ (gleich/
Sie tryben auß denselben Landen/
Ein Bassa so Algier regiert/
Abfällig von dem Türcken wirdt/
Der samblen thet ein starckes Heer/
Vnd setzet sich bald zu der Wehr/
Wil grosse ort er auch einnam/
Endtlich er für Orphana kam/
Dieselbig Statt erobert baldt/
Mahomet Bassa mit gewalt/
Belägert in darinnen hat/
Als er außfiele auß der Statt/
Wurdt er gefangen/ vnd zuhandt/
Nach Constandinopel gesandt/
Das er sein leben schmerzlich endt/

Sein Secretari wurdte erkendt/
Zum Obristen/an seiner stell/
Den Türcken er begegnet schnell/
Den Mahometh zweymal auch schlug/
Den Sieg gewaltig von im trug/
Sonst seind auch in des Türcken Landen/
Der Auffrühren sehr vil erstanden/
Der Persianer vnd darneben/
Georgianer sich erheben/
Vnd setzen sich ohn allen grauß/
Wider das Ottomanisch haus/
Fürst Sigismundus dises Jar/
Gibt Sibenburgern ganz vnd gar/
Seim Vätteren/dem Cardinal/
Nach Grätz zeucht wider dazumal/
Sein Gemahel Christierna glit/
Der Fürst von Gültz auch freyen thüt/
Von Lottringen ein Fräwlein zart/
In Hungern da geschicket wardt/
Vil Kriegsvolk/dahin dann auch bracht/
Der Türckisch Bassa grosse macht/
Bey Gran sie offte zusamen stiessen/
Mit ohne streyt vnd Blütuer giessen/
Doch wenig man verrichten thet/
Zum Friden man ein handlung hett/
Wurdte aber gar kein frid darauß/

Der Öffnisch Bassa in ein Strauß/
Gefangen wurde/den man hat/
Geschicket nach Wien in die Statt/
Die Tattarisch vnd Türckisch schar/
Verhörget haben in dem Jar/
Dreyhundert Dörffer an der zal/
Vnd sagt man/das dasselbig mal/
Die Türcken in dem abzug haben/
Mit sich geführt/Man/Weyb vnd Knaben/
Der Christen zwainzig tausendt Seelen/
So gefangen worden/ohne fählen/
Die Heyducken auch hon beladen/
Die Türcken mit sehr grossem schaden/
Mit straißen an der Donaw dort/
Mit grosser beüt gezogen fort.
Der Michel Waida vnuerzagt/
Ausz Sibenburgen hat verjagt/
Den Cardinal in kurzen tagen/
Die Bawren flüchtig in erschlagen/
Von Grätz Ershertzog Ferdinandt/
Fangt an zu treyben auß dem Landt/
Die Predicanten in gemein/
So nit Catholisch wolten sein/
Die Holländer hondi zu der frist/
Ein Kriegs Armada außgerüst/
In Spannam die theten senden/

Wil grossen schaden sie der enden/
Mit Rauben/Plündern/brennen theten/
In iren gwalt gebracht sie hetten/
Canariam/ die Insul reich/
Da sie einnamen auch zugleich/
Tarifo/ die selb Hauptstatt sein/
Wil Inhlen sie auch nemen ein/
Auff welchen sie/ nach solchen dingen/
Wil tausendt Kisten Zucker bringen/
Vnd sonstien auch ein grossen sold/
Dann sie an lauterm guttem Goldt/
In drey mal hundert tausendt hatten/
Mit vber gefürt der Ducaten/
Im Niderlandt das Spanisch Gsindt/
Mit hauffen sich vmb Bomler findt/
1600 Weyl nun das Jubel Jar anfieng/
Die gulden Port zu Rom auffgieng/
Dahin der Pilgram grosse zal
Kam/ von vil orten vberall/
Der Herzoge von Braunschweyg hat/
Was widerwillen mit der Statt/
Braunschweyg/ das sie beyd zu der wehr/
Thon greiffen vnd sich rüsten sehr/
Als vil Spanische in den tagen/
Dort in dem Bomler Wöhrz noch lagen/
In zweyen schanzen so sehr väst/
Besuchen

Besuchen thüt dasselbig Rast/
Graff Moriz/der von Nassaw gnanndt/
Bringt letztlich die in seine handt/
In Flandren er nachmalen zeücht/
Ershertzog Albrecht in nicht fleücht/
Im anfang etlichs Volck er schlug/
Nachmalen aber sichs zu trüg/
Das in ein treffen wurd zertrendt/
Der Spannisch hauff/ an welchem endt/
In grosser gfahr Ershertzog stundt/
Der auch ein wenig wurd verwundt/
Der Obrist Feldherz Admiral/
Von Aragon/dasselbig mal/
Von stunden angefangen wirdt/
Nach Hollandt auch als baldt gefürt/
Mit Bayren Hochzeit halten thüt/
Ershertzog Ferdinandt gemüth/
Heinricus König auß Franckreich/
Vermählen sich auch thüt zugleich/
Mit Florenz/ vnd sein Hochzeit helt/
Die zu Lyon wardt angestellt/
Nach einem Vngewitter groß/
Vnd als sich das Meer went außgoh/
Erscheinen thet in Puglia/
Ein Vngehewr Track allda/
Er gleich baldt thete bringen vmb/

Personen fünffsig in der sumb/
Der doch wardt endlich umbgebracht/
Mit Instrumenten new erdacht/
Geschlagen weyl in Schweden war/
Der Polnisch König/vorigs Jar/
Thet Herzog Carle sich nit saumen/
Vnd die ort alle zu sich raumen/
Dazu der König zuspruch hett/
Deshalben er einnehmen thet/
Das Ließlandt/Friesslandt auch darneben/
Wil ort sich theten im ergeben.
Als Sibenburgen hett bezwungen/
Vnd dem Cardinal abgetrungen/
Kuckt der Michael Waida fort/
Kam mit Kriesvolck in Moldaw dort/
Schlug denselbigen Waida hart/
Dem beyständig Bathori wardt/
Der Signiundt Polnisch Cansler zgleich/
Dern jeder flüchtig doch abweich/
Kriegt also Moldaw/ließ im schwören/
Thet nach Sibenburgen wider kehren/
Als nun der Waida wardt verdacht/
Samb hett er mit dem Türcken gmacht/
Was Bindtnuß/vnd wolt in seinr handt/
Behalten Sibenburgisch Landt/
Dey Keyfers Obrister mit Nassi/

Georg Bassa/sein Volck bringt zusam̄/
Schlegt dem Waida sein Kriegsvolck nider/
Treybt in auß Sibenbürgen wider/
Des Grafen von Serin Hauptleüt/
Aufziehen theten nach einr Beüt/
Da sie den Bassa von Sigeth/
Antreffen dort an einer stett/
Da er der Christen Köpff thet sehawen/
Die newlich er hett abgehawen/
Dem sie sein Haupt auch nemmen thon/
Vnd sich hafft führen mit daruon/
Von langhsamer bezalung wegen/
Sich die Walonen theten legen/
In Pappa/in dem Hungerlandt/
Vnd Practicieren aller handt/
Diß Haus dem Türcken auffzugeben/
Gefangen nemmen auch darneben/
Die Hauptleüt auff des Kaysers senten/
Bald sieng er an die zu bestrenten/
Von Schwarzenberg der dapffer Helde/
Der sich vor Pappa legt zu Veldt/
Doch kam er da in solche not/
Das er geschossen war zu todt/
Letzlichen man sie doch bezwang/
Das sie der bitter hunger drang/
Zu weichen auß der Böstung hin/

Nach Beyssenburg in stände der sinn/
Doch wurden mehzertheyls gefangen/
Die dannoch wurden auffgehangen/
Geradebrecht/ Gespñst/ vnd gebraten/
Geuiertheylt auch/ wies möcht gerathen/
Dann sie auff manche weyß vnd art/
Den Todt erlitten schmerzlich hart/
Nun kam da bald der Türckisch hauff/
In Hungeren/ der ruckt herauff/
Zhet Vorschafft erstlich neimen ein/
Alßdann schlug er das Läger sein/
Für Canische die Vöstung werth/
Der Obrist drinnen hilff begert/
Deß Keyfers Volek auch kame dar/
Die zuentsetzen willens war/
Zu streyten mit dem Feinde anfiengen/
Scharmükel etlich bald für giengen/
Doch wardt zu starck der Türcken macht/
Das man nicht wagen dorfft ein Schlacht/
Hier zwischen vmb jr Läger schankt/
Der Türck in einem Wald auch pflankt/
Etliche grosse Stück/ die er
Zur Christen Läger richtet her/
Nam jnen auch vil Prouiandt/
Das jnen manglet aller handt/
Zu klein jr häufflein auch erfinden/

Das sie dem Feindt abbrechen künden/
Vnd zu entsetzen solches Haus/
Auch zuuermeyden mehr vndauß/
Seind sie gezogen wider ab/
Der Feindt gestercket wurd darab/
Vnd dem Haus noch mehr setzet zu/
Mit Schanzen bawen ohne rü/
Bis endlich im das Haus wardt geben/
Das ers abziehen ließ bey leben/
Der Oberst Paradyser kam/
Gehn Wien/man in verhafft in nam/
Vnd wurd da für das Recht gestelt/
Ein Urthel vber in gefelt/
Welchs der zeyt noch nit Exequiert/
Weyl man starck für in Suppliciert/
Zu diser zeyt seind kommen an/
Ein Persier vnd Englisch Mann/
Zu Prag bey irer Mayestat/
Auß Persia der König sie hat/
Gesendet auß Freündtschafft zumachen/
Vnd zu tractieren in den sachen/
Ob zuschliessen ein Bindnuß sey/
Wider der Türcken Tyranny/
Die Botschafft ist herumb gezogen/
In ganz Europa vnerlogen/
Beroyset durch Italam/

Durch Franckreich vnd Hispaniam/
Vnd andre Länder noch vil mehr/
Die nit züfessen seind hieher/
1601 Nach dem der König auß Franckreich/
Der Herzog in Sauoy zügleich/
In langem zwispalt seind gelegen/
Von der Graffschafft Saluzo wegen/
Ist solcher streyt in disem Jar/
Hingelegt/vnd gestillet gar/
Dergestalt/das Saluzo doch/
Dem von Sauoya bleybet noch/
Doch soll der Herzog auch darneben/
Die Böstung Burg vnd Bressa geben/
Dem König/vnd was diser frist/
Geeygnet jedem theyl zu ist/
Vom Keyser Sibenburgern fete/
Vnd zü ein Herren im erwöhlt/
Sigismundum Bathori zwar/
Der zuuor auch Eydbrüchig war/
Auß Persia der König hat/
An Keyserliche Mayestat/
Vnd andre Potentaten mehr/
Der Christenheit mit dem beger/
Ein Boteschafft herzlich außgesand/
Das man mit einhelliger handt/
Dem Türcken solte widerstohn/

Dergleib

Dergleichen er selbst auch wolt thon/
Bathori Sigmundt wirdt geschlagen/
Ausz Sibenburgen/nach den tagen/
Die Christen für Canisa rücken/
Doch thet es inen nit gelücken/
Dann es siel so kalt Wetter an/
Das in einr nacht vil hundert Mann/
Erstarren vnd todt fielen nider/
Da thete man abziehen wider/
In iren Gewalt hat wider bracht/
Stülweyssenburg der Christen macht/
Die Sibenburgen sich empören/
Des Keyfers macht sie thet zerstören/
Vil grosser Herren in Franckreich/
Verbunden sich einhelligleich/
Denselben König vmb zu bringen/
Doch wolt die sach in nit gelingen/
Dann der Marischal von Byron/
Der fürnembst müst das leben lohn/
Wallachey auß der Türcken handt/
Gerissen wirdt/durch widerstandt/
Der Radul Waida/welcher bald/
Dasselb Landt bracht ins Keyser gwalt/
In Cypro ein Erdtbeidem sich/
Erzenget hat/so gwaltiglich/
Das sich ein grosser Berg auffzogen/

1602

Vnd vil Frewrflammen darauß flogen/
Ein Bißch man auch da fangen thet/
Der ein handt auff dem rucken hett/
Daselbsten sich ein Creüz mit Blüt/
Im luftt erzeygen klärlich thüt/
Stülweyßenburg in Vngerlande/
Kompt wider in der Türcken handt/
Graff Moriz von der Stadten wegen/
Für die Statt Graue sich thet legen/
Im Niderlande /die man auffgab/
Demselben/im Herbstmon vorab/
Für Ofen rückt der Christen Heer/
Belägert dieselb Bösung sehr/
Weyl die Belägerung noch werth/
Der Veld Marschalck nach Pest sich kehrt/
Dieselbtg Statt wirdt bey der nacht/
Erstigen vnd zuwegen bracht/
Vor Ofen zog man wider ab/
Von Wetter darzu vrsach gab/
Die Schweizer vnd die Kron Franckreich/
Verbinden sich einhelligleich/
In Niderlanden sich erregen/
Von langsamer bezalung wegen/
Bey acht tausendt vnd mehr Soldaten/
Zusamen die sich gschlagen hatten/
Das Schloß Hochstrassen sie einnahmen/

Vnd

Vnd häufig an vil ort auch kamen/
Brandtschakten die Leüt hefftig sehr/
Vnd sterckten täglich auch jr Heer/
Leztlichen den Holländern sich/
Ergaben auch einhelliglich/
Bey Straburg von des Bistumbs wegen/
Sich wider vnrhū wolt erregen/
Doch wurde es baldt wider still/
Der Herzog von Souoya will/
Mit seinem Kriegsvolck/ vbersteygen/
Die Statt Genff/ machen jm zu eygen/
Doch hett kein fortgang der anschlag/
Dann was hinein kam selben tag/
Erschlagen wurde vnd gefangen/
Vnd jr dreysehen auffgehungen/
Bald noch im Jenner kame an/ 1603
Im Windisch Landt/ der Tartar Han/
Straiff gar biß in Steyrmarek herauff/
Dem widerstündt des Keyfers hauff/
Zu Regenspurg man halten thet/
Ein Reichstag/ bald sein entschafft hett/
Zu Venedig fast vberall/
Verfrüren theten die Canall/
In Engellandt die Königin/
Elisabeth thet scheyden hin/
Auff diser Welt/ an dero statt/

Sum

Zum König man erwöhlet hat/
Den König auß dem Schottenlandt/
Jacobus welcher ist genandt/
Baldt er empfieng des Königs Cron/
Sich fand ein Conspiration,
In welcher Grauen vnd Hoch Leüt/
Verbanden sich in kürzer zeyt/
Den newen König vmbzubringen/
Das thet in aber nit gelingen/
In Asia ein Cansler sich/
Sultano zwider gwaltigklich/
Empöret hat/nam ein vil Stätt/
Obin Landt er auch vil schaden thet/
In dem Jar wurde die sach vertragen/
Vnd im vom Türcken fürgeschlagen/
In Bosen das Sangiachat/
Welchs er auch angenommen hat/
In Sibenburg sich empört/
Der Zackel Moses hoch verkehrt/
Auß Sibenburg grosser Adel/
Zu im sich schlüge/nit ohn tadel/
Ein Türckisch Bassa bey im war/
Der Tartarn auch ein grosse schar/
Nam Clausenburg vnd mehr Stätt ein/
Dem aber thet begegnen fein/
Der Waida auß der Wallachen/

Der wagens Ritterlich vnd frey/
Schlug in/das vil seins Volcks vmbham/
Wie er dann selb sein ende auch nam/
Vnd wurde der Sibenbürger maacht/
Zu dem gehorsam wider bracht/
In Liefflandt war groß hungers not/
Das man auß stroh müst backen Brot/
Das Kindt den todten Vatter fraß/
Der Vatter das Kindt gleicher maß/
Bey Bergamo/im Welschen Landt/
Ein anzal grosser Wölff sich fandt/
Zu Sommers zeyt/die ohne schonen/
Gefressen hon vierzig Personen/
Zu Neapoli in der Statt/
Im Zeüghaus sich enkündet hat/
Das Puluer von ein Füncklein sewr/
Welchs schnellen thete vngehewr/
Vnd brachte vmb in hundert Mann/
Beym Zeüghaus so gearbeyt han/
Die Schweizer so in dem Grabünden/
Sich mit Venedig thon verbünden/
Ein newe Reformation/
Der Mainzisch Churfürst ließ ergohñ/
Vnd setzet ab im Bistumb sein/
Dir Predicanten/stellet ein/
An deren statt die Jesuiter/

Catholisch

Catholisch Lehr zu pflanzen wider/
In disem Jar erzeugten sich/
Vil Wetter/ganz erschreckenlich/
Mit Donner/Hagel/Regen/Bliz/
So verursacht die grosse Hiß/
Wie man auch hat zu Rom gesehen/
Dadurch ein Wetter thet geschehen/
Das es zum heylig Geist einschlug/
Mit solchem gewalt vnd vnfüg/
In dem Thumb/das die Glock herab
Fiel/vnd erschlagen wurd ein Knab/
Zu Ragusa hat gleicher massen/
Sich auch ein Wetter sehen lassen/
Nach welchem ein Erdtbidem kam/
Der Häuser welcher vil hinnam/
Warff auch den Glocken Thuren nider/
Im Thum/ mit forcht Menschlicher glider/
Vnd andren orten noch vil mehr/
Die ohn not all zu setzen her/
Görg Fridrich Marggraff von Onspach
Starb/vnd befalch Gott sein sach/
Dis Jar ganz fruchtbar thete sein/
An Getraidt/Kraut/Obs vnd auch Wein/
Dann alles ist in Teütschen Landen/
Ganz oberflüssig reich gestanden/
Der Rockenhalm man fande vil/

Gestans

Gestanden da auff einem still/
Der Eher siben/acht/neün/zehen/
Ja man thet fünff vnd zweinkig sehen.
An Dyffen sich auch gleichermassen/
Auff ein still haben sehen lassen/
Zwen/drey/vier/fünff/sechs vnd auch siben/
Bey disem ist es nicht gebliben.
An andren Früchten auch zugleich/
Hat sich erzenget alles reich.
Als disen Herbst in Ungren kam/
Der Türckisch hauff im bald fürnam/
Zuschlagen ein Schiffbrucken schon/
Über die Thonaw in Adon/
Die Insel/vnd damit er die/
Vollenden möchte ohne mühe.
Schickt er in Schiffen bald voran/
Bis in die zehen tausendt Mann/
Die seind von Christen auffgeriben/
Das jr nur tausendt vberbliben.
Ein Obrister zu Cascha zwingt
Die Burger/vnd dahin sie dringt/
Das sie die Kirchen im einraumen/
Der thut vertreyben ohne saumen/
Die Predicanten/vnd setzt ein/
Die Catholische Priester gemein.
Zu Wien ein grosser Windt entsteht/1604.
Der Thürn vnd Häuser nider weht.

• Mahomet der groß Türck hin stirbt/
Sein Son Achmat das Reich erwirbt.
Churfürst von Mainz mit todt abgieng/
Herz Jan Schweickhart die Chur em-
In Occidentisch India/ (yffeng.
Ein Insul wirdt gefunden da/
Von Gold vnd Silber so sehr reich/
Atamidis genandt zu gleich.
In Reichsen die berühmte Statt/
Annaberg außgestanden hat/
Ein Brunst/darinn fast ganz vnd gar/
Sie außgebrandt zu Aschen war.
Graff Moriz von der Staden wegen/
Sich für die Vöstung Schlenß thet legen/
Erobert die/wie auch Cassant/
Vnd ander ort in Flanderlandt.
Zu Bergses bey Sackmar geschach/
Das man da zwen Hussaer sach/
Zu Kopf/die waren rot wie blüt/
Vbm Haupt ein jeder tragen thüt/
Ein Kron/von Gold/vnd in der handt/
Ein roiten Fahnen/drinn man fandt
Ein rodes Creüz/gleichlaipffe auff der Erden,
Die ritten zu/mit iren Pferdten/
Dem Wasser Patrackt/die dann offe
Darüber rytten/vnuerhofft/
Als wanns mit Eyß wer vberfrozen/

Darnach

Darnach sie geßling seind verloren.
Der zeit wirdt zwischen Engelandt
Vnd Spannia/ein frid erkandt.
Als Ostende das starcke Hauß/
In Flanderen/gestanden auß
Belagerung drey ganser Jar/
Da Kriegsmaacht vil versüchet war/
Ist endtlichen mit starcker maacht/
Vnder die Spanisch handt gebracht.
Botschgay Istuan sich erhebt/
Römischen Keyser widerstrebt/
Vnd thüt in Sibenburgen schlagen/
Des Keyser Volck/vnd es verjagen.
Vil Hunger darauff/vnd Heyducken/
Vom Adel auch zusamen rucken/
Im schein Euangelische Lehr
Zu defendieren/vnd daher
Wirdt ihnen Caschau vbergeben/
Vnd andere mehr Stätt darneben.
Thon volgends vnsäglichen schaden/
So sie dem armen Volck aufladen/
Mit streiffen/brennen/mordt vnd rauben/
So nit zu schreyben/nit zu glauben/
Welchs Hungeren/Steyr/Osterreich/
Vnd Märhern erfahren zugleich.
Der Persianisch König groß/
Den Türcken viler Stätt macht los.

Der sendet in die Christenheyt/
 Bil der Botschafften diser zeyt/
 An den König auß Spannia/
 Gehn Rom/Franckreich/vnd anderst wa.
 An Keyserliche Mayestat/
 Die samptlich er ansprechen that/
 Dem Türcken starck zu widerstreben/
 Das wöll er gleichsfalls auch thon eben/
 Vnd thet das richten in das Werck/
 Mit grosser Macht vnd grosser sterck/
 Wie er dann hat in kurzen tagen/
 Des Türcken Bassa offte geschlagen/
 Bil Stätt vnd Böstung eingenommen/
 Vnd ist ins Türcken Landt einkommen/
 Bis auff hundert vnd fünffzig meyl/
 In wenig zeyt vnd schneller eyl.
 Die Statt in Frislandt Eingen ghandt/
 Belägert von Spannischer handt.
 Dem Spinula sich thüt ergeben/
 Aldens eyl/Wachtendonck darneben.
 Ein Comet dises Jar erschin/
 Ein lang zeyt thet man sehen in.
 1605 Die herrlich schön Böstung Billeck/
 Thon die Heyducken nemen weck/
 So zu der Vngerischen Cron/
 Man für ein Schlüssel wol mag hon.
 Pappst Element/so der achte starb/

Leo der eylffte den Stül erwarb/
Der sechs vnd zweinzig Tag regiert/
Ein tödlich Fieber ihn berührt/
Daran er seinen Geist hinlegt.
In Marggraffschafft Baden erregt
Sich ein grosse Verzätheren/
Die sich doch offenbaret frey.
Borchese/der selb Cardinal/
Ausz aller Cardinälen zal/
Wirdt Papst vnd Paulus quintus gnandt/
Zu Senis war sein Vatterlandt.
Von Lisabona führe auß/
Ein schön Armada vber auß/
Nach Niderlanden stündt ir sinn/
Wie sie nun kamen etwas hin/
In zehen Schiff voran sie schicken/
Die Hollander sie bald erblicken/
Vnd haben die geschlagen hart/
Ein gütte Beut daruon in wardt.
Als in der Moscau todts verschiedt/
Basilides/entstündt vnfridt/
Dann man den einen Son mit fleiß/
Hinricht/der ander gleicher weß/
Solt auch sein vmb das leben kommen/
Den haben gütte Freündt genommen/
Vnd heimlich gschickt in frembde Landt/
Demetrius der wardt genandt/

Als er zu seinen Jahren kam/
Seins Vatterlandts er sich annam/
Wardt erstlich doch geschlagen hart/
Doch bald sich wider stärker wardt
Dann im vil Herzen sielen zu/
Als Bodris Fendronis zu rhu/
Sich legen thet/wurdt er zu leze
Gekrönt/zum Fürsten eingesezt.
Auf Schweden Herzog Carle sich/
Für Riga lägert gwalstiglich/
Wurdt von den Polen doch geschlagen/
Vnd thet man in die flucht in tagen.
Als der Türck thete nemmen ein/
Sanct Thomas Berg/vnd in gemein/
All Schanzen/auch die Wasser Statt/
Sich Braan ergeben auch bald hat.
Der Herzog von Braunschweig lang zeit/
Hat Practiciert in sonderheit/
Wie er die Statt Braunschweig bekönnen/
Hat heimlich vil Volck angenommen/
Ein Stratagema anfangs macht/
Dardurch er vil Volcks hat gebracht/
Vnder ein Thor/die sich eindringen/
Dieselbig Wacht alsbalde umbbringen/
Vnd auff die Wähl sich thon begeben/
Das Geschüs auff die Statt richten eben/
Vnd lassen sollichs starck abgehn/

Drauß

Drauß thüt ein grosser schreck entsehn/
 Dann sie Fiewrküglen werffen ein/
 Doch wardt der schad derselben klein/
 Wurdt also hefftig ganz gesritten/
 Die in der Statt sich vil erlitten/
 Bis endlich jr zwen vnuerzagt/
 Ein Kampffstück Ritterlich gewagt/
 Die am grundt die Maur vnder graben/
 Vnd mit was Volck hinnauß sich gaben/
 Den Feindt zu ruck angreiffen theten/
 Den Sieg der gstat erhalten hetten/
 Das sie die vor der Statt erschreckten/
 Der Herzogischen vil erlegten/
 Ein güttten Raub von dannen trügen/
 Dann sie die Herzogischen schlugen.
 Drauß schankt der Herzog für die Statt/
 Vnd gwaltig die belägert hat/
 Starck ware auß der Statt geschossen/
 Vnd außgefallen vnuerdrossen/
 Doch man zu rath ist offtmals gangen/
 Zu Accordieren angefangen/
 Vergeblich doch/dann ohn abtrnb/
 Der Herzog auff seinr mainung blyb.
 Vnangesehen/das er wierdt/
 Vom Camer Gericht drum b cidiert/
 Die Oder geschwolt also war/
 Das sie in der Statt häuffig gar

Thet nemen zu/vil Mannes tieff/
In Häuser/vnd in Kirchen lieff/
Diz weret an den vierdten tag/
Es was groß jamer/not vnd klag/
Mit Schiffen kundt man in all Gassen/
Vnd leichtlich fahren alle Strassen/
Doch thete brechen durch den Tham/
Das Wasser/darauff bald abnam.
Ein anstandt leztlich wardt gemacht/
Durch vnderhandlung/wol bedacht.
Newhäusel in dem Hungerlandt/
Wirdt den Rebellen in die Handt/
Kuzwurm/so Marschalck gewesen/
In Hungeren/wie das zu lesen/
Zu Prag ein schröcklich Mordt verbracht/
Dann er erwürget/wolbedacht/
Das Belgiosa Brüder frumb/
Als diser nun war kommen vmb/
Wurdt er einzogen vnd gefangen/
Das vrthel vber in ergangen/
Das man im nemen solt das Haupt/
Desselben er baldt war beraubt.
Zu diser zeyt in Engellandt/
Wurdt ein verrätheren bekandt/
Die sollicher gestalt sich helt/
Wie jeso werden soll gemelbt:
Der König hett außschreyben lassen/

Ein Reichstag/das in gleicher massen.
Die Ständt/im ganzen Königreich/
Zusammen solten kommen gleich/
Auff fünffzehenden Monatstag/
Nouembris/da dann ohne flag/
Zu Westmünster in dem Pallast/
Des Königs solt sein jeder Gast/
Die Practick in das werck zurichten/
Fürnemblich einer thete dichten/
So Thomas Percij namen hett/
Der bestehn einen Keller thet/
Dort vnder dem Parlament Haus/
Vnd ließ drein führen/ohne grauß/
In sechs vnd zweinkig Fässer vol
Schieß Puluer/ein gefüllet wol/
Mit disem/so verdeckten schein/
Als Englisch Bier/vnd gütter Wein/
Der mainung/wann der Reichstag wer/
Vnd jederman versamblet her/
Wolt er das Puluer zünden an/
Da solte in dem Rauch auffgahn/
Die Königliche Mayestat/
Die Königin/vnd die er hat
Zwen Sohn/auch alle stände zu gleich/
So in dem ganzen Königreich/
Da dann vil hundert weren gestorben.
Vnd vnuersehen tods verdorben/

Doch ist diß offenbar erfunden/
Kurz vor der that/bey wenig stunden/
Da man das Gwälb durch süchet hat/
Gefunden wurde ware that/
Sampt einem Knecht/der war gefangen/
Der sagt wie es soll sein ergangen/
Sein Herz Thomas Percij die flucht
Hat geben/den man doch gesucht/
Gefunden/in den Kercker glegt/
Drinn er baldt starb/darab bewegt/
Der König/ließ ihms Haupt abhawen/
Stecktis auff im Parlament zuschawen/
Vil Herzen waren im verdacht/
Die man auch in verhaßft hat bracht/
Auff welchen vil seind hingericht/
Dardurch die sacht bald wurd geschlicht.
In Franckreich seind auch für gelauffen/
Verzäthereyen schwer/mit hauffen/
Die doch entdecket vnd verhüt/
Das Königlich onschuldig Blut.
Der Polnisch König Hochzeit helt/
Mit einem Fräwlein/wolbestelt/
So auß dem Hauß von Osterreich/
Von Grätz geboren lobeleich.
Im Jenner grosser Wind vnd Regen 1606
Entstanden/das von dessen wegen/
An vilen orten hin vnd wider/

Vil Gebäw theten fallen niger/
Vil Schiff im Meer zu grund seind gangen/
Verweht vnd schaden sonst empfangen.
Die Tiber zu Rom wardt so groß/
Das in der Statt sie starck vmbfloss.
Vnd thete vnsäglichen schaden/
Vil thet das Wasser so beladen/
Das sie von Hauß nit kondten kommen/
Vil Mühlwerck sie hat hingenommen.
Im Merken auch/in manchen Landen/
So grosser Sturmwindt ist entstanden/
Dergleichen kein Mann nye erholt/
Thet schaden an mannlichem ort/
Kirchtüren/Häuser vnd vil Schiff/
Vil Bäum/vnd was es sonst ergriff/
Wüßt zu grundt alles häuffig gehn/
Vil Seestett grosse gfahr außstehn/
Das Wasser etlich Landt ersäufft/
Der schaden warde vberhäufft.
In Poln sich auch ein grosser hauff/
Wider den König lehnet auff.
Die Kriegschiff deren auß Hollands/
In India thon aller hande/
Den Portugesern mercklich schaden/
Vil reiche Schiff sie thon entladen.
Bapst vnd Venedig sich thon trennen/
Der Bapst sie in Bann thät erkennen.

Löwenstein vnd Würzburg der zeyt/
Sich etwas haben auch entzweyt.
In Kerenden die Statt Villach/
Ein Fewr fast außgebrennet hat.
Mit den Ungren/so Rebellierten/
Auch went vnd breyt Tyrannisierten/
Ein Friden wurde auffgericht/
Der doch betreffiget noch nicht.
Die Jesuiter/Mönch vnd mehr/
Geistliche/Catholischer Lehr/
Bey Leybstraff auß dem Engelland/
Geschaffen werden/vnd gebandt.
Als der groß Fürst Demetrius/
In der Moscow/gleich jertz beschluß/
Sein Hochzeyt feyt/mit seiner Braut/
Die jm ein Polnisch Herz vertraut/
Vnd nun mit seinen Gästen all/
War frölich/auff dasselbig mal/
Die Moscowitter in behendt/
Anfallen/an demselben endt/
Zerhawen/schlagen in zu todt/
Die Pollen/trifft auch gleiche not/
Dann dern ein grosse zal umbkam/
Ein schröcklich endt die Hochzeyt nam.
In Neaplis war dise zeyt/
So grosser hunger/das vil Leüt
Gestorben hungers halben sendt/

Drumb

Drumb die Inwohner/an dem ende/
Vil Spanischer Amptleut erschlugen/
Weyl sie/gunst halber/diñ verträgen/
Das man kurtz zuuor auß dem Landt/
Das Getraidt führet aller handt.
Der Persianer in Türckey/
Erobert der Sätt mancherley/
Nimbt ein ganz Babyloniam/
Ganz Syrien er oberkam/
Thet vil Türckisches Volck erschlagen.
Gleich eben in denselben tagen/
Entstündt in Caramania/
Deßgleichen in Natolia/
Groß Auffrühr/dardurch grosser Schaden/
Den Türcken wurde auffgeladen.
Groß Würm man in dem Hungerlandt/
Vmb Theysa/mit zwem Köpffen fandt/
Die häffig frassen ab das Gras/
Obm Feld vil Trayds verdörbet was.
In Schlestien/zu Franckenstein/
Die Todtengräber in gemein/
Durch Zauberkunst richteten zu/
Ein vergiffte Pulffer ohne rhü/
Mit welchem sie beschmürten eben/
Thürschwollen/Klopffer vnd handheben/
Vnd anders/wer das thet anrühren/
Wurdt vergiffte/vnd müst balde verlieren
Sein

Sein leben/wie sie dann bedacht/
Fünffzehnhundert umbgebracht/
Deswegen irer acht verbrennt/
Theils lebendig gebraten sendt.
In Niderlanden Groll die Statt/
Dem Spinula sich geben hat/
Auch Rheinbercht durch accordo war/
Von Spanischen erobert gar.
Botschgan der groß Rebllandt/
Fürst in Sibenburgischen Landt/
Zu endt diß Jar mit todt abgieng.
Ein Friden man der zeit anfieng/
Zu handeln mit dem Türcken zwar/
Wurdt bgeschlossen/doch nit bstettigt gar.
In Hollandt grosser Windt entsteht/ 1607
So zehen tag lang hat gewehret/
Von welchem vil Schiff vnder gangen/
Vnd grosser schad wurdt sunst empfangen.
In Sibenburgen wirdt erwöhlt/
Vnd zum Regenten fürgestellt/
Bathori Sigmundt/welcher dann
Solch Fürstenthumb bald name an.
Papist vnd Venedig seind diß Jar/
Vereinigt vnd verglichen gar.
Ein Wasser/so in Engellandt/
Ausflieffe/nam so vberhandt/
Darinnen da ertruncken sein/

Zwölff hundert Menschen in gemein/
Auch zweinsig tausende Schaf zu mal/
Vnd ander mehr Viech ohne zal/
Dörffer vnd Häuser riß es nider/
Biß das es thet ablauffen wider.
Zu Wien/in dem Collegio
Der Jesuiten/ist also
Ein groß erschrocklich Fewr außkommen/
Dasselbig hat hinweg genommen/
Theyls Kirchen/Liberey/vnd das
Collegium/auch alles was
Sie ghabt an Kleydern vnd geräth/
Vnd anders mehr/wie auch die Beth.
Spannische Gallionen acht/
Hon vnder iren gwalt gebracht/
Neün Holländische Schiff mit trendt/
Eins kam darvon vnd bracht beschendt/
Den Kriegschiffen/bern von Hollandt/
Die führen auff sie ab zu handt/
Griffen die Gallionen an/
Vnd sigten/das kost manchen Mann.
Kaggenburg in dem Hungerlandt/
Wurdt aller dings gar außgebrandt.
In Pollen/in Lieblin der Statt/
Das Fewr hinweg genommen hat/
In tausende Judenhäuser baldt/
Vil Güts verdarbe gleicher ggestalt.

In Engellandt/ein grosser hauff
Der Bawren sich leineten auff/
Wider den König/von Holz wegen/
Die er doch bald thet niderlegen.
Ein heisser Sommer siele ein/
Dardurch die Wasser wurden klein/
Also/das man an manchem ort/
Mit mahlen schier nit funde fort.
In disem Jar die Pestilenz/
Regieren thet/in mancher gräng.
Nit went von Rom/in Beldren man
Den Flachs zu dörren sienge an/
Dardurch ein sollich Fewr entstunde/
Das man diß schwerlich löschten fundt/
Daruon verbrunnen Häuser vil/
Ganze Wäld/vnd getraids on zil.
In Barbaria ligt ein Statt/
So Bona iren Namen hat/
Dahin die Florentiner kommen/
Dieselbig mit gwalt eingenommen/
Geplindert/vnd mit grosser haab/
Geseget daruon wider ab.
Thonawöhrt die verbannte Statt/
Der Bairfürst eingenommen hat.
Zu Constantinopel auß kam
Ein grosse brunst/so hinweg nam/
Drey tausendt Häuser vngesahz/

Vnd auff fünffhundert Läden gar/
Die Algaische Bawren sich/
Zusammen theten freuentlich/
Zu wider irem Bischoff frumb/
Der stillt sie bald widerumb/
Henducken in dem Hungerlande/
Thon streyffende schaden allerhande/
Zu Regenspurg in disem Jar/
Ein grosse Reichs versammlung war/
Ein Türckisch Mann so Rebelliert/
Den vierzig tausend Mann anführet/
Oberfelt vnuersehner weß/
Die groß Statt Bursia/mit fleiß/
Die Kirchen/vnd Seraglium,
Deßgleichen die Statt vmb vnd vmb/
Veraubt er nach Tyrannen müet/
Vnd führet darauff vnsäglich Güt/
Den Bassa auch von Alepo/
Der gleichfalls Rebelliert also/
Ließ greiffen auch Sultanus an/
Durch ein vezier/der hat gethan/
Mit im/so ein gefährliche Schlacht/
Mit der sie haben zugebracht/
Drey ganzer Tag/doch lage vnden/
Der von Alepo vberwunden/
Vnd theten bleyben/beeder seyt/
Vil tausend Mann/in solchem streyt/

1608

In Württemberg der Herkog starb/
Sein Son nach jm/das Reich erwarb/
Der Heyducken ein grosser Hauff/
Empörten sich vnd stunden auff/
An vilen orten theten schaden/
Dieselbig vnrhü abzuladen/
Wan ein versamblung nam fürhandt/
Zu Preßburg in dem Hungerlandt/
Da sich die Hungarischen Herren/
Versamlet haben auch von ferren/
Die Osterreichische zugleich/
Ersherkog auch zu Osterreich/
Matthias/daselb presidiert/
Die notturfft ihnen proponiert/
In diser samblung man begundt/
Zu machen einen starcken bundt/
Dann der Osterreichische ständt/
Die Hunger auch am selben endt/
Vergleichen samentlich sich theten/
Geschlossen endlich dahin hetten/
Das sie vereinigt wolten bleyben/
Vnd lassen in kein weg abtreiben/
Von der Pacification,
Die man vor diesem manchen thon/
Zu Wien hond sich vil hoher Leüt/
Vnderscriben selbiger zeyt/
So die Heyducken nun gemein/

Mit wolken auch zu Friden sein/
Vnd weyter thon inns Landt einfall/
So wolten sie sich sambler all/
Vnd nach vermögen widerstehn/
Mit gewöhrter hand entgegen gehn/
Da auch ein andrer Feindt sich solt/
Vnderstehn/vnd sie trenben wolt/
Von den Fridspuncten obgemeldt/
Wolten sie gsambter hand zu Veldt/
Aufziehen/ihme widerstohn/
Ehe sie die pacta wolten lohn/
Wie dann darauff vil tausendt Mann/
Auff für sorg/seind genommen an/
Der Winter war so grausam kalt/
Das kein Mann worden ist so alt/
Der solchen Winter hat erfahren/
In vilen/langst verschinen Jaren/
Die Wasser fast in allen Landen/
Der gefrürne halber seind gestanden/
Auff der See/man von Ambsterdam/
Mit Schlitten hin gefahren kam/
In Haoch/vnd andre ort vil mehr/
Die gfrürne thet zunemmen sehr/
Auch hett es so ein grossen Schnee/
Dergleichen nit gesehen ehe/
Wil hundert Menschen so erfroren/
Hat man in solehem Schnee verloren/

Von grossen Schnee/an manchem ende/
Vil Häuser eingefallen sendt/
Die groß Kält fast hat zugenommen/
Vmb Triest alleinig seind vmbkommen/
Auff drey hundert Personen güt/
Vil Viech die auch hinnehmen thüt/
Die Wölff gefressen hon vil Leüt/
Vnd als an siele warme zent/
Vnd jest auffbrechen thet das Eyß/
Da hat es erst auff manche weyß/
Vnsäglich grossen schaden thon/
Die Brucken fast all führt daruon/
Vil schöner Landt es vberschwembt/
Dann es nicht werden möcht gedempe/
Vil Dörffer/Häuser/Menschen/Viech/
Im Gwässer bliben in dem stich/
In Franckreich/vmb Paris die Statt/
Dieweyl es nit mehr zuführt hat/
Gefroren dann die Wasser waren/
Zu wagen kund man auch nicht fahren/
Schnees halber/drumb wurd er so thewr/
Zu sagen welches vngehewr/
Das vil Leüt hungers halber sturben/
Vnd also jämmerlich verdurben/
Daselbst herumb von Holz ein burdt/
So ein Mann trüg/verkauftet wurd/
Vmb dritthalb Sonnen Cronen bar/

Wie solte dann wol andre wahr/
Als Fleisch/Käß/Butter/Ayß vnd Brot/
Gegolten haben in der not/
Zu Constantinopel hat man/
Die offne Läden spörren than
Der Benedischen Kauffleüt allen/
Mit Seyten wahren sa da malen/
Ir Handlung triben/dann der zeyt/
Die Juden hetten die freyheit/
Das sie nun offne Läden hetten/
Mit Seydin wahren/dann sie thetten/
Dem Suldan Järlich groß Gelt geben/
Doch wurd die sach verglichen eben/
Dergestalt/das sie nun fürbaß/
In ringerem Gewicht vnd maß/
Ir wahr verkauffen alle solten/
So sie da plaz auch haben wolten/
Der Herzog iung von Mantua/
Berehlicht sich mit Souoia/
Weyl ober vierzig Jar hinnein/
Langwiriger Krieg thete sein/
Mit Spannia/vnd mit Hollande/
Dardurch verdörbt das Niderlande/
Also ist man zusammen kommen/
Hat ein Fridshandlung fürgenommen/
Die ob sie sich wol lang verzogen/
Ist doch nichts worden vnd verflagen/

Drauff thet man anderst zu den sachen/
Vnd wolt ein langen anstandt machen/
Ob aber der werdt fortgang nemmen/
Ist nacher fürzlich zuerkennen/
In India/die von Hollandt/
Erzeygten starcken widerstandt/
Den Vortugesren/mit in stritten/
Bil schadens beeder seyns erlitten/
Des Grafens von Byron anhang/
In Irlandt/nemmen ein mit zwang/
Das Castell Billenhouen gnandt/
Die Hauptstatt Desa auch bekandt/
Die wurden letztlich doch vertriben/
Weyl jr Haupt wurde auffgeriben/
Ein Kauffmann Heinrich Nembmit Nam/
Zu Andorff inns Gefängnuß kam/
Dem seine Gütter Arrestiert/
Von wegen er interessiert/
Mit Hollandt/welche nauigierten/
Vnd nach Ost Indi handlung führten/
Im wurde auch zugelegt vorab/
Er theylt mit dem Meerzaubern dhab/
In Schlesien die schöne Statt/
So Sitta jren Namen hat/
Wurdt außgebrennet vngewehr/
Durch Räuchling eingelegtes Fewr/
Dann da seind abgebrandt zu mal/
Neinhundert Häuser an der zal/

Als

Als Ersherkog Matthias werth/
Die Hungerische Kron begert/
Hat im dieselbig zugesielet/
Keyser Rudolph in freyem Veldt/
Ist volgendts zu Preßburg gekrönt/
Vnd mit den Vngren sich versöhnt/
Dem ist auch vbergeben zgleich/
Ober vnd nider Osterreich/
Hat im in Wehren ebner massen/
Auch huldigen vnd schwören lassen/
Der Lottringische Herzog stirbt/
Sein ältester Son das Reich erwirbt/
Von eines Kupffer Bergwercks wegen/
Sich ein zertrennung thet erzege/
Zwischen Gültz vnd Aachen der Statt/
Die man doch bald verglichen hat/
Von Brandenburg der Chürfürst sein/
Stirbt reysendt auff der Gutschen sein/
Zu Prag ein unbekandter Mann/
Im Augustmonat ist kommen an/
Der saget/das sein Brüder sey/
Der groß Türck/meldet auch darbey/
Das er sey älter vmb zwey Jar/
Vor Erlaw/als sein Vatter war/
Hab er vier Sön daheim gelassen/
Der ältest thet sich anmassen/
Des Reichs/der Vatter als er kam/

Mit dem strang/im das leben nam/
Ihn zubesichtigen die Landt/
In Greciam habe gesandt/
Nachs Vatters todt der Brüder jung/
Ohn wissen sein/inns Reich sich drung/
So billich im gebüret hett/
Den Jüngsten er hinrichten thet/
Ließ in auch suchen weyt vnd breyt/
Sein Mütter in mit dem bescheydt/
So ein geborne Griechin war/
Verstecken/vnd hinschicken war/
Gehn Thessalonich/da zur frist/
Er sich ließ tauffen/wurdt ein Christ/
Verhieß darneben/wann Gott wolt/
Das er sein Reich bekommen solt/
Den Christen zu erstatten das/
So jnen vor genommen was/
Zu Fulda wurdt ein tag benendt/
Der ohne frucht doch nam sein endt/
Des Herzogen von Florenz Son/
Hat seine Hochzeit halten thon/
Zu Florenz/mit ein Fräwlein jung/
Das von Grätz hette sein vrsprung/
Erdbidem sich sonst wunder vil/
Diß Jar erzeugten ohne zil/
In Türckey vnd Sicilia/
Zu Ferrar in Italia.

Der Berg Aetna thet werffen auß/
Fewrflammen grosser/nit ohn grauß/
Als sonst sein gewonheit ist/
In Sicilia man der frist/
Fandt Gwürms vil/welches vermessen/
Die Weinreben hat auffgefressen/
An mehren orten regnets Blüt/
Zu Bremen solchs man sehen thüt/
In Lampardia bey der nacht/
Man zweyer Cometen nam acht/
Nach dem ein sollich Wetter kam/
Das die Bäum auß der Erden nam/
Vmb Sarazana/vnd der enden/
Schröckliche Wetter Gott thet senden/
Von Winden/Donder/vnd Fewrflammen/
Eytzapffen mit herunder kamen/
Dardurch das Wasser wurd so groß/
Das es hoch auff der Gassen floß/
Riß Mühlen hin/vil Viechs ertrenckt/
Etliche Schiff in grundt versenckt/
In Franckreich thet ein grosser Regen/
Ein anzahl Häuser niderlegen/
Der riß auch ganze Dörffer hin/
Werclicher schad geschach durch in/
Ein Insul Goldt vnd Silber reich/
Die Spannier erfunden zgleich/
Mit Portugesischer Schiffart/

Sonst fruchtbar auch von aller art/
Ein Goldgrub in West India/
Die Engelländer finden da/
Von grosser hitz ein Seuch sich finde/
Die zu Rom vil der Leüt hinnimbt.
Der Schwedisch König in Liffandt/
Mit Kriegsvolck sich vor Riga fandt/
Der müst doch/vnuerzichter sachen/
Sein abzug daruor wider machen/
Ein reiches Silber Berckwerckh sich/
In Schottlandt erzeugt mächtiglich/
Der Pappst schrib auß ein Jubel Jar/
Gleich dem so 1600. war/
Zu bitten das nit ab thet gohn/
Die Römische Religion/
In Teütschlandt/sonder wurdt erhalten/
Kein/vnuerfälscht/vnd vnzerpalten/
Zu Preßburg ein Heyduck brandtloß/
Sein Rhor/vergeblich also schoß/
Durch den ein Hauß wardt angezündt/
Dardurch in grundt sehr öcklich abbründt/
Die ganze Vorstatt Bedris gmand/
Die Hunger/vnd die Teüsch en zhandt/
Auffstunden/das zu beyder seyt/
Vil zalen müsten mit häut/
Mit Türcken vnd dem Hungerlandt/
Beschlossen wurdt ein Frids anstandt.

Die Ständt Euangelischer Lehr/
In Osterreich nit wolten eher/
Huldigen/es zuliessse dann/
König Matthias jederman/
Freystehn die selb Religion/
Ausz dem groß vnrhü thet entstohn/
Dann beeder seyntz man Bolet an nam/
Vnd nahendt zü den streichen kam/
Doch/das man endtlich kām zü rhü/
Durch vnderhandlung/liessse zu/
Der König/das der Herren Standt/
Durch auß in Osterreich Landt/
Freyhette die Religion/
Augsburgischer Confession/
Es solten die drey Kirchen auch/
Gewesen wie vor langst der brauch/
Als Enfersdorff/wie auch Hornals/
Vnd Treibels Winkel eben fals/
Predigen lassen/ohn verxieren/
Die Sacrament auch celebrieren/
Da theten wolgemelte Herren/
Dem König huldigen vnd schwören/
Ist also frid vnd einigkeit/
Erwachssen wider ohne streng/
Deßgleichen haben ohne frucht/
Die Ständt in geheim offt ersucht/
Die Keyserliche Mayestat/

Umb dise gnad/vnd die wolthat/
Daß die wöll ihnen/gleicher massen/
Die Augspurgische Lehr zu lassen/
Weyl aber da lang disputiert/
Vnd schließlich nichts wurdt concludiert,
Verbunden sich die Ständt zusammen/
Auff das Newstätten Rathauß kamen/
Zu Prag/vnd namen an Soldaten/
Da sie dann vil der Rathschläg hatten/
Vnd theten sich dahin vergleichen/
Nicht von einander all zuweichen/
Biß Keyserliche Mayestät/
Vergunnet jnen würcklich hett/
Die Augspurgisch Confession,
Welchs sie auch endtlich hat gethon/
Im Reich verbunden sich theyls Ständt/
So Protestierendt seind genendt/
Das sie beysammen halten wolten/
Da sie angriffen werden solten/
Deßwegen dann Fürst Christian/
Von Anhalt wurdt beuelch gethan/
Daß er/nach Prag sich solt begeben/
Dem Keyser anzuzeygen eben/
Was mainung vnd welcher gestalt/
Sich angedeutte Bindnuß halt/
Vnd das etliche Reichs beschwerden/
Verbessert wider möchten werden/

Die Keyserliche Manestat/
Den Schlesiſchen zugeben hat/
Das ſie frey mögen exercieren,
Vnd die Confession docieren,
So die Augſpurgisch wirdt genandt/
Auch haben ſoll die Oberhandt/
In dem Schlesiſchen Fürſtenthumb/
Der älteſt Landtſürſt/vnd darumb/
Der Biſchoff nit mehr: ſoll regieren/
Das Ober Ampt/noch gubernieren,
Ein Türckiſch Botschafft kame an/
Zu Prag/geſendet vom Suldan/
Beym Keyſer der anhalten ſolt/
Den Friden er beſtetnen wolt/
Zu Prag ſich böſe Leüt befunden/
Die ſtrick den Leüten/gleich den Hunden/
An halß geworffen/bey der nacht/
Geylündert/vil gar vmbgebracht/
Zu Preßburg wirdt ein Palatin/
Erwöhlet/das er ſolt forthin/
Der nechſte nach dem König ſein/
Vnd alle ſach anordnen ſein/
In Frieſlandt/an dem Himmel klar/
Hat man geſehen offenbar/
Drey Sonnen/vnd zwen Regenbogen/
Darbey ein Kugel vnerlogen/
Die bald zerbrach/darauß thüt

Herunder

Herunder fallen Fewr vnd Blüt/
Die Sonn/so zu den rechten handen/
Der Ordinari ist gestanden/
So scharpff thet scheinen/ das man nicht/
Wol kundt anschawen mit gesicht/
Die Regenbogen auch der enden/
Die spiz gegen dem Himmel wenden/
Gleichfals man zu Marsilia/
Von zwölff vhren Mittags allda/
Bis auff vier vhren Abendes/man
Gesehen hat vil tausendt Mann/
Wolgerüst vnd mit weissen Binden/
Die in ein Wäldlin bald verschwinden/
Vmb Amsterdam hat sich das Meer/
Auch sonst an andren orten mehr/
Geschwöllet/das Harlem die Statt/
Im Wasser ganz gestanden hat/
Dergleichen zeichen/an mehr orten/
In dem Jar seind gesehen worden/
Als die Holländer lange zeyt/
Mit Spannia geführet streyt/
Hat endtlich man in disen sachen/
Ein anstandt auff zwölff Jar thon machen/
Der Herkog in den Gölcherlanden/
Mit todt abgieng/da sich nit fanden/
Nach ime Erben/von seim leyb/
Vnd das Landt also Erblosß bleyb/

Hat Brandenburg/vnd Newburg sich/
Als Schwester Kinder schnelliglich/
Vmb dise Landt genommen an/
Als ihnen Gölch thet widerstahn/
Mit Kriegsvolck sie sich rüsten theten/
Wil streyttens vnd scharmüßlens hetten/
So nit abgangen ist ohn Blüt/
Dann jeder theyl sein bestes thüt/
Die Pollen haben eingenommen/
Im Lifflandt/Bernaw/drinn bekommen/
Von groben Geschüß/ein grosse zahl/
Vnd anderen vorath zumahl/
Der Herzog von Florenz/diß Jar/
Als er bey sechzig Jaren war/
Thet scheyden ab von diser Welt/
Sein Son Cosmus das Landt erhelte/
Nach disem er verehlicht wardt/
Von Grätz mit einem Fräwlein zart/
Carendarogli fule ab/
Vom Türcken/sich darnach begab/
Zum Persianer/sin zu handt/
Wider den Türcken thet beystande/
Zu Rhodis ein Erdbidem sich/
Erzeiget hat/so gwaltiglich/
Das fast verful die halbe Statt/
Wil vom Castell verfället hat/
Es seind auch sonst an vilen orten/

Gehöret

Gehört vil Erdbidem worden/
Ein Erwässer groß zugleich entsunde/
Durch welches gangen seind zu grundt/
Der Menschen auff die zehen tausendt/
Darußer billich einem grausedt/
Blatfarb erschinne auch das Meer/
Erschröcket welchs die Türcken sehr/
In dem Meerhauen/zü Thunis/
Thüt fallen ein der Don Luys/
Vor Vaxardo, mit seinen Schiffen/
Den vnuersehens angegriffen/
Vnd alle Schiff darinn verbrandt/
Erledigt da mit starcker handt/
Mehr als zwey tausendt Christen Seelen/
Der Türcken er nit thete fehlen/
Dann er sechs tausendt/ vnd sechs hundert
Gefangen/doch waren darunder/
Frankhosen/vnd auch ander Leüt/
Die man anschmidet/zu der zeyt/
Die Vöstung Gallatu damit/
Geschlaipffet wurde/vnd verschütt/
Ein Mann Galliläus genandt/
Von Florenz/durch sein Kunst erfandt/
Das man hat durch ein Instrument/
Auff dreyßig meyl sichtbar erkendt/
Ein ding/als wer es da zu gegen/
Diß hat er bringen thün zu wegen/

Durch

Durch sein Matthesin/dern er da/
Professor war zu Padua/
Auch kundt er machen/andrer seyt/
Das die gegenwertige Leüt/
Noch so groß/als sonst/anschawen/
Es weren gleich Mann oder Frawen/
In Constandinopel so thewr/
Aufkommen ist ein schröcklich Fewr/
So abendts seinen anfang hett/
Vmb vier vhr/vnd noch wehren thet/
Biß auff folgenden abendi wider/
Dann ob man schon thet reissen nider/
Vnd löschet auch gewaltigklich/
Dann da vil tausendt Menschen sich/
Zuröthen/ohn verzug/sich funden/
Ergabe es doch nit der stunden/
Weyles hett einen starcken Winde/
Das also abgebrunnen sind/
Die Häuser/in sollicher weyl/
Fast auff ein ganze Teütschen meyl/
Wie auch das alt Seraglium,
Vnd zwo Moschca kamen vmb/
Durchs Fewr dahero in den wesen/
Gehöret wurdet ein grosses heulen/
Nolgenden tag ein Wetter war/
Welchs in des Türcken Lager gar/
Zu Scutari hielt vbel hauß/
G

Dann

Dann es die Gezelt/all durch auß/
Kriegswaffen/vnd Munition/
Zerisse/hat groß schaden thon/
Dann es fast alles hat zerissen/
Vnd tieff in boden eingeschmissen.

Der König in Hispania/
Auf Valenza/vnd Granada/
Vil tausendt Moxen hat vertriben/
Der wenig in dem Landt gebliben/
Von wegen/das sie seind verdacht/
Samb einen anschlag sie gemacht/
Wider den König/darumb sie/
Umbreisen ellendt/nit ohn müß/
Der Polnisch König/diser frist/
Gezogen in die Moscow ist/

Mit Heeres krafft/vnd legt sich bald/
Für Schmolinko/mit grossem gwalt.

1610 Es stunde Teütschlandt in dem Jar/

In grossen sorgen/grosser gfahr/
Dann aller orten Krigs geschrey/
Vnd Kriegsbereüttung mancherley/
Die Protestierenden im Reich/
Die Catholischen auch dergleich/
Mit Kriegsvolck sich gerüstet hetten/
Jede Parth ein Bund machen theten/
Das sie völt wolten in der not/
Beyfamen halten/biß in todt/

Die sach doch endtlich wurde gericht/
Zu München/vnd der Krieg geschlicht/
Wen vil Kriegs Volck zu Passaw lag/
Vnd war außkommen solche sag/
Als wolten sie auff Osterreich/
Fürnemmen etwas/ man zugleich/
Daselbsten Kriegs Volck werben laßt/
Das man zur Notwohr sey gefaßt/
Auch Keyserliche Mayestat/
Was strittes mit sein Bruder hat/
Doch wurde der strytt gelegt hin/
Durch vnderhandlung/das forthin/
Sie Brüderlichen leben wolten/
Das Kriegs Volck auch abdanken solten.
Am Himmel seind in vilen Landen/
Der Wunderzeichen vil gestanden/
In der Statt Wilda ist ein Fewr
Entstanden/welches vngewehr/
Zwen ganzer tag gewehret hat/
Vnd hin genommen in der Statt/
Mehr als 400. Häuser güt/
Einfallen die Schloßkirchen thüt/
Der Kirchen auch sonst/ober sibem/
Vom Fewr seind worden auffgeriben/
Vil Viechs/vnd Menschen kamen vmb/
Defgleichen das Collegium,
Der Jesuiten/dann das Fewr/

Nil dings verderbet vngewor/
Zu Vitrecht in Hoilandt/dort vnden/
Sich auffrürische Burger funden/
Die sich wider die Obrigkeit/
Empörten/wehret lange zent/
Heinricus König in Franckreich/
Erstochen würdet jämmerleich/
Als er auff einer Gutschen saß/
Groß leyd vmb disen König was/
Sein Son Ludouicus mit Nam/
Der dreyzehendt/nach im bekam/
Die Cron/der hett noch wenig Jar/
Sein Mütter im zugeben war/
Als Brandenburg vnd Newburg sich/
Vmb Gölchisch Landt einmütiglich/
Vnd fleyszig theten nemmen an/
Thet ihnen Gölch starck widerstahn/
Daselbsten sich auß guttem Rath/
Der Keyserlichen Mayestat/
Befinden thüt der Bischoff werth/
Von Bassaw/vnd Straßburg geacht/
So Leopoldus war genandt/
Hierzwischen fallen in sein Landt/
In das Straßburger Bistumb ein/
Dis zu bezwingen in Gemein/
Die Marggrafen/der von Onspach/
Wie gleichfalls auch der von Durlach/

Vnd andre noch mit Heeres gualt/
 Die Dachstein theten zwingen balde/
 Auch Wolzheim/das sie sich ergaben/
 Doch etlich vnderwunden haben/
 Sich endlich/so die sach verglichen/
 Vnd dise Fürsten wider wichen/
 Auß den zwo Stätten gleichermassen/
 Das ganz Bistumb sie theten lassen/
 Gülch wurd belägert mit gewalt/
 Von Branden:vnd Newburg auch balde/
 Nach vilen schüssen/stürmen/graben/
 Sie die erobert endlich haben/
 Des Königs Volck auß Spannia/
 Eroberten in Aphrica/
 Arache/so ein Böstung güt/
 Die am Meerportum haben thüt/
 Bey Viberto herumb/am Meer/
 Erzeiget sich ein grosses Heer/
 Newschrecken im lufft/das darvon/
 Verfinstert worden ist die Sonn/
 Die in dem Feldt den lieben Früchten/
 Des Schadens theten vil zurichten/
 Zu Basel vnd sonst orten mehr/
 Im Schweizerlandt/es sturbe sehr/
 Dem Türcken grossen abbruch thüt/
 Der Persianisch König güt/
 Auff drey mal jm vil Volcks erschlug/

Den sich daruon er Mannlich trüg/
1611 Das Kriegs Volck/so ins Keyfers na-
Zu Passaw kommen ist zusamen/ (men/
Vnd fast ein Jar allda gelegen/
Hat sich/schlechter bezahlung wegen/
In das Landt ob der Ens begeben/
Vnd grossen schaden thon darneben/
Auff Böhheim volgends zogen ist/
In gütter Ordnung wolgerüst/
Budweis die Statt hat einbekommen/
Auch volgends Tabor eingenommen/
Komvt auch gen Prag mit hellem hauffen
Thut die klein Seyten vberlauffen/
Losieren drein/mit grossem schaden/
Den Leüten vil beschwerde auffladen/
Seind darauß zogen wider hin/
Als man Belt geben hatte ihn/
Die Portugeser/in den stunden/
In India dort haben funden/
Ein neue Landeschafft/groß vnd reich/
In größe fast Europæ gleich/
In der es mehr Gold haben soll/
Als Sandt/vnd sey auch Berlein vol/
Die Leüt seind weyß/vnd gelber Haar/
Sie haben auch kein Veldbaw gar/
Sie essen nur Fleisch/Wursten/Kraut/
Dann nyemandt da kein Koren bawt/
Sein

Sein freündlich sunst/einfaltig auch/
Heydnischen Glaubens/jr gebrauch/
Jr Gewöhr thüt nur Kolben sein/
Die Wurffpfeyl ihnen seind gemein/
Das Landt ist Aphyricana gnandt/
Gewesen bißher unbekandt.

E N D E.

